

Ан. Литовъ.



НЕИЗДАНЫЯ СОЧИНЕНІЯ
СВЯТИТЕЛЯ ДИМИТРІЯ,
МИТРОПОЛИТА РОСТОВСКАГО.



МОСКВА.

Типографія Императорскаго Московскаго Университета.

1910.

Отдѣльный оттискъ
изъ № 4—5 Душеполезнаго Чтенія
1910 г.

НЕИЗДАННЫЯ СОЧИНЕНІЯ СВЯТИТЕЛЯ ДИМИТРІЯ,

МИТРОПОЛИТА РОСТОВСКАГО.

Издавая къ исполнившемуся 28 октября 1909 года 200-лѣтію со дня кончины св. Димитрія, митрополита Ростовскаго, его проповѣди на украинскомъ нарѣчїи, я указаль въ своемъ предисловіи, что сочиненія Святителя, несмотря на эти прошедшіе два вѣка, не только не изданы полпостію, но и далеко не всѣ напечатаны. Можно съ увѣренностью сказать, что многія его произведенія до сихъ поръ еще неизвѣстны читателямъ. Между тѣмъ сочиненія св. Димитрія, выдержавшія нѣсколько изданій, и до сихъ поръ высоко цѣнятся любителями духовно-нравственнаго чтенія.

По описи келейнаго имущества св. Димитрія, сдѣланной вскорѣ послѣ его кончины іеромонахомъ Филаретомъ ¹⁾, въ числѣ книгъ и рукописей значится: а) собраніе вещей различныхъ, б) различніи вещи неисправленіи, в) непоправленіи вещи различніи. Всѣ оставшіяся послѣ св. Димитрія книги и рукописи поступили въ Московскую Синодальную типографію и Синодальную библіотеку. Въ числѣ такихъ рукописей съ своеручными черновиками и поправками въ Синодальной типографіи находится единственная, за № 569, рукопись, носящая характеръ «не-

¹⁾ Лѣтописецъ о ростовскихъ архіереяхъ. Издан. Императорскаго Общества Любителей Древней Письменности. Спб., 1890 г. Примѣч. 54, стр. 36.

исправленныхъ вещей». Эта рукопись въ листъ, на 583 л. имѣеть заглавіе: Календарь или житія святыхъ многія рукописи Ростовскаго Димитрія № 420, къ сожалѣнію, до сего времени еще неописанная. Она содержитъ:

Л. 5. Краткія свѣдѣнія о календаряхъ, Нонахъ и Идахъ извѣщеніе.

Л. 7. Читателю благочестивому. Нач. Календарь еллино римскій древнѣйшій вины ради сицевыя.

Л. 9. Числа древнѣйшаго еллино-римскаго календаря противъ нашихъ чиселъ полагаются сице.

Л. 10. Краткое о календаряхъ, Нонахъ и Идахъ, извѣщеніе.

Л. 11. Календарь историчный, мѣсяць мартъ.

Далѣе житія разныхъ святыхъ.

Л. 466. Historia i Gergius Cedrenus 1057. 7. Baronius 1603. 8. Petrus ormeir (1611) хронографъ, съ греческаго переведенный 1665 г.

Л. 537. Лѣта 7209 (1701) мая 13 во вторникъ въ день въ часъ 12 въ исходъ преосвященный Игнатій Корсаковъ, митрополитъ Тобольскій, преставился въ Москвѣ въ монастырѣ Симоновскомъ, а погребенъ въ томъ же монастырѣ въ 15 день въ четвертокъ преосвященнымъ митрополитомъ Димитріемъ Сибирскимъ, Трифиліемъ Крутицкимъ, Исаіею Нижегородскимъ и архимандриты: Новоспасскимъ, Симоновскимъ, Донскимъ и Петровскимъ, игуменомъ Даниловскимъ.

Л. 569. Огъ великаго государя царя и в. к. Петра Алексѣевича стольнику нашему Василию Романовичу Войкову въ нынѣшнемъ 1702 г. мая въ 28 день выдать царское жалованье домовымъ его преосвященства двумъ чтецамъ и переводчикамъ по 30 р. на годъ, двумъ писцамъ по 10 р., двумъ дьяконамъ Ефрему да Евсеію 5 р. на годъ, велейнику его Пармену 4 р., кухарю его 4 р. слугъ противъ его архіерейскихъ домовыхъ среднихъ статей слугъ. Выдать съ росписками учителямъ греческаго да латинскаго языковъ по 30 р. человѣку, русскому 5 р.

Да хлѣбъ вищимъ, которые учиться будутъ русской грамматѣ по денгѣ на день, а которые греческаго и латинскаго языковъ по двѣ денги. Припись дьяка Ивана Иванова. Справка подьячаго Ивана Бутина. Печатныхъ пошлинь 3 р. 25 алтынъ.

Въ Московской Синодальной библиотекѣ въ числѣ рукописей св. Димитрія находятся два сборника за №№ 811 и 858 съ своеручной подписью святителя: «Разныя неисправленныя вещи. Затѣмъ въ моемъ собраніи находится рукопись (Охран. катал. № 2037) набѣло переписанная тоже своеручно св. Димигріемъ съ заглавіемъ: «Неисправленніи вещи различніи. Собраны въ лѣто 1704 августа мѣсяца въ Ростовѣ. Архіерей Димитрій». Эта рукопись на бумагѣ (по Тромонину 1681 г. № 545), въ 4-ку, на 132 лл. Со 129 л. другой рукой переписано посланіе св. Димитрія къ іереямъ; оно хотя и напечатано въ собраніи его сочиненій, но съ нѣкоторыми вариантами. Въ началѣ рукописи находится оглавленіе статей.

I. Л. 1. Колико душъ отъ женскаго пола въ мужествѣ образъ спасошася.

II. Л. 2. О освященіи пречистыхъ таинъ.

III. Л. 8. О женитвѣ и о мясѣ.

IV. Л. 9. Собраніе еретиковъ и ересей ихъ.

V. Л. 47. Реестръ еретиковъ.

VI. Л. 51. О свободѣ церковной.

VII. Л. 76. Входящимъ въ церковь оружіе внѣ оставляти.

VIII. Л. 77. Никифоръ отъемый церковное имѣніе и прочіи послѣдователи его.

IX. Л. 90. Увѣщаніе попомъ архіерейское.

X. Л. 97. О единогласіи церковнѣмъ.

XI. Л. 102. Путь ко Іерусалиму.

XII. Л. 117. О стриженіи власовъ и брады.

Статьи: IV, VI, IX и XI, паходящіяся въ моей рукописи, имѣются и въ синодальной рукописи № 811.

Эта синодальная рукопись въ 4-ку, на 364 лл., писана разными почерками скорописью и полууставомъ и только

наполовину своеручно св. Димитріемъ. Статья же о свободѣ церковной переписана полууставнымъ почеркомъ писца и, по всей вѣроятности, послѣ 1709 г., т.-е. послѣ кончины святителя и притомъ имѣеть разницу противъ моей рукописи, писанной, какъ я уже выше сказалъ, своеручно св. Димитріемъ ¹⁾.

Статья: «О свободѣ святыхъ церкви» имѣеть краткое предисловіе, что это писаніе древнее написано бысть отъ нѣкотораго духовнаго любомудраго мужа, въ вѣдѣніе хотящимъ. Въ лѣто отъ созданія мира 7013, отъ Рождества Христова 1505 февруаріа мѣсяца въ послѣднихъ числѣхъ. Дата 1505 г. должно быть 1705 г.; очевидно, св. Димитрій имѣлъ къ этому основаніе, такъ какъ его келейная лѣтопись, напечатанная лишь черезъ три четверти вѣка послѣ его кончины, не заключаетъ въ себѣ статьи о свободѣ церковной, хотя она въ нѣсколько сокращенномъ видѣ и находится во всѣхъ рукописяхъ его лѣтописца.

Въ одной изъ моихъ рукописей (Охран. катал. № 830), съ которой печаталась эта лѣтопись въ Московской типографіи въ 1784 г., эта вещь, уже исправленная авторомъ (лл. 223—225), зачеркнута цензоромъ, да и въ самой представленной для печати рукописи есть много цензурныхъ поправокъ.

Номѣщая эту, «неисправленную вещь» св. Димитрія по его своеручной рукописи, я думаю черезъ это хоть отчасти пополнить дефекты изданій собранія сочиненій святителя Димитрія, митрополита Ростовскаго.

Ан. Титовъ.

¹⁾ Объ этихъ рукописяхъ—моей и синодальной упоминаетъ Н. А. Шляпкинъ въ своемъ изслѣдованіи: „Св. Димитрій Ростовскій и его время“. Сиб., 1891 г., стр. 429.

О свободѣ святыя церкви.

Писаніе древнее, написано бысть отъ нѣкотораго духовнаго и любо-
мудраго мужа въ вѣдѣніе хотящимъ. Въ лѣто отъ созданія міра * 41,
отъ Рождества же Христова * 171: февруаріа мѣсяца въ послѣднихъ
числѣхъ.

Святѣйшему и разумѣйшему о Христѣ отцу духовѣй-
шему господину, Божиимъ прозрѣніемъ святыя церкви
апостольскаго гоненія славному ревнителю, смиренный
святительства твоего слуга цѣлованіе многое глаголетъ.

Безмѣрное твое челоуѣколюбіе и безчисленная про-
странная ко мнѣ твоя благодѣянія, отче святыи, понужда-
ють мене тебѣ всегда здѣ и вездѣ и на всяко время
послушна быти. Твое бо воистинну есть повелѣвати, мое
же повелѣніа твоя творити достойно естъ. Никто бо въ
сей пресвѣтлой русской странѣ въ настоятелѣхъ есть,
его же большею любовію почитити должеи есмь, токмо
тебе единого ради всякихъ добродѣтелей явнаго образа
и великія милости свѣтлаго свѣта, иже въ тебѣ источ-
ницѣ сіяють. Ты бо вѣренъ и православенъ рабъ Хри-
стовъ, свершенъ въ божественномъ и челоуѣческомъ со-
вѣтѣ, не равенъ всѣмъ, толико въ божественныхъ, елико
въ мірскихъ разумѣхъ, убогихъ любитель и защититель,
плѣнныхъ искупитель. Ко мнѣ убогому пространенъ,
подателенъ и благоволенъ, убожеству и нищетѣ моей
милостями святыми помогая, къ церковному правитель-
ству прилеженъ. Похвальнаго житія отецъ, тягчайшаго
разума и великія святости, кратчайшій, всякому писанію
ученъ, вещей церковныхъ и клироса отборонатаи и любитель
прилеженъ, на враги церковныя и еретики ратователь
крѣпчайшій, милостивъ, разуменъ, праведенъ, мило-
сердъ, смиренъ, всякою добродѣтелью украшенъ, и ради
житія святого по всему и во всѣхъ церкви святой собор-
ной потребенъ, толико словомъ, елико дѣломъ и ученіемъ
духовнымъ и временнымъ храбре управляя, о твоей хвалѣ

гласять небо и земля и всѣ стихіи похвалу и честь достойно вопіють. Азъ же како молчати возмогу, повелѣнію же твоему послушаніе учинити достоинъ и якоже о церковныхъ грабителяхъ написати повелѣлъ еси, молю благовольнѣ и любезнѣ въ семь маломъ писаніи по разума моего осязанію воспріяти изволи. И мене за сіе люби, защищай, покрывай, сохраняй, нищету мою милостынями питай, возмогай о Христѣ надолго благочестенъ. Слово кратко противу тѣхъ, иже въ вещи священныя, подвижныя и неподвижныя соборныя церкви вступаются и отымати противу спасенія души своя дерзають, заповѣди Божія и церковныя презирающе, и православныхъ царей и великихъ князей истинное клятвою законоположеніе разоряюще, и заповѣди Божія преобидяще.

Ты заповѣда заповѣди твоя сохранить зѣло. Отъ сихъ словесъ псалмопѣвца Давида, великаго пророка, во псалмѣ рѣш, намъ откровенно является всю словесную тварь Божию заповѣдемъ быти повинну. Никто бо отъ человекъ на земли живя коль святъ, коль силенъ и великъ, богатъ, мудръ, вѣренъ, отъ сохраненія заповѣдей Божіихъ свободенъ вѣрится быти, вси бо вкупѣ: толико богатіи, елико убозіи, толико сильніи, елико немощніи, толико начальницы, елико царіе, толико духовніи, елико мірстіи, толико мужескъ полъ, елико женскъ сохранятьи заповѣди Божія зѣло должны есмы, подъ казню или временною или вѣчною, яко во многихъ подобницѣхъ священнаго писанія внизу писанныхъ довольно явленно будетъ

Пишетъ бо, како аудонъ человекъ, исполнь духа пророческаго, благъ и святъ пророкъ погибе, отъ льва убитъ, егда противъ заповѣди Божіи хлѣбъ сѣде у лжепророкъ, якоже пишетъ въ третьей книгѣ Царствъ, глава ѿ.

Аще пророкъ, исполнь Духа Божія, и святъ человекъ единъ ради хлѣбныя сѣди, яко Адамъ и Ева въ смерть впаде, и первіи прародители наши рукою Божіею сотворенніи, яко преступники заповѣдей Божіихъ, казнь прія-

ша, отъ безсмертія въ убожество смерти низвержени, како беззаконніи и неправедніи человекѣцы, грѣшницы, вещей церкви православныя противу правды и Божія заповѣди грабители, гнѣва Божія и казни Всемогущаго избыти могутъ. И не токмо единому Богу послушаніе въ храненіи заповѣдей Его творити должны есмы, но и настоятелемъ святыя его церкви послушаніе святое, еже большіе есть, неже жертва, смиреннымъ сердцемъ всѣмъ благоговѣніемъ творити должны есмы. Да не съ Кореємъ и Даааномъ, Даааномъ и Авиропомъ вкупѣ со двѣма ста и съ пятьюдесятью ихъ совѣтниками, иже ради гордости и непослушанія, яко заповѣдей Божіихъ преступницы, на Аарона и Моисея, настоятелей церкви еврейскія, ропчущихъ, насъ земля поглотитъ живыхъ и да не свидемъ во адѣ живи, якоже пишеть въ книзѣ Числѣ глава ѳі. Такожде Маріамъ, сестра Ааронова, за непослушаніе и роптаніе на настоятели церкви и соборища еврейскаго проказою поражена бысть, яко глаголется въ Числѣхъ ѳі глава. Такожде Надавъ и Авія братія, сынове Аароновы, согрѣявшеся виномъ и піани вложше въ кадила огнь, да приесуть обоняніе предъ Господемъ, еже имъ не бѣ повелѣно, вземлюще себѣ безъ послушанія и повелѣнія настоятелей своихъ службу, чинъ настоятеля церковнаго, погибоша огнемъ божественнымъ въ пустыни, яко пишеть въ Левитѣхъ, глава 1, и въ Числѣ, глава ѳі. Се коль тяжкою казнію погибоша обоняніе приести хотящія Богу живому, забрапени быша, коликою же мукою иже принесенная и Богу дающая отняти не боятся, мучими будутъ, безчисленныя же и иныя писаніе божественное воспоминаеть подобники, въ нихъ же непослушаніе многихъ злыхъ беззаконныхъ человекѣкъ, сопротивныхъ заповѣдемъ Божиимъ и настоятелемъ святыя церкви, тяжцѣ казнѣ приѣмше, коль свѣтлѣ зрѣти можемъ. Сего ради заповѣди Божія и настоятелей презрѣти намъ не подобаетъ никогда же, по имъ всегда и во всемъ смиреннымъ и чистымъ послушаніемъ повиноватися намъ подобаетъ. Аще кто сопротивно тво-

рить, согрѣшаетъ смертяѣ и преступникъ заповѣдей Божіихъ обрящется, и за сія муки здѣ и въ будущемъ вѣцѣ избыти не возможетъ. Сего ради вся, яже намъ повелѣваютъ, яже глаголють, яже усты евангельскими проповѣдуютъ, съ послушаніемъ и благоговѣніемъ творити должны есмы, по повелѣнію Господню, якоже пишетъ Матѣей во главѣ ѿ: яже глаголють творите, по дѣломъ же ихъ не творите, и прочая. Тѣмъ же послушаніе едино есть и вѣры сподобленіе наслѣдствуетъ, безъ него же всякъ вѣрный и святъ невѣренъ осудится, елико вѣренъ и святъ быти видится.

Послушаніе бо къ живота вѣчнаго полученію вельми есть плодоносно, имъ бо въ настоящемъ сподобляемся благодати и въ будущемъ славы и вѣчнаго спасенія, безъ него же сподобимся въ настоящемъ вѣчнаго отриновенія, а въ будущемъ огня вѣчнаго и безконечнаго. Сего ради всякъ вѣрный человекъ, какова чина ни буди, настоятелемъ своимъ въ достойныхъ и благоугодныхъ скоро и со смиреніемъ покарятися долженъ есть. Елицы же непослушны церкви и настоятелямъ, анаѣмѣ предаются, яко написа имъ Моисей законодавецъ во Второзаконіи глава ѿ, глаголя: аще тяжекъ и неудоборазуменъ у тебе судъ быти узриши, востани и взыди къ мѣсту, еже избересть Господь Богъ твой, и приди къ священникомъ левитскаго рода и взыщи отъ нихъ, яже явятъ ти суда истинну, и сотвори, яже рекутъ настоятели мѣста, еже избересть Господь, и научать тя по закону его, и послѣдуй суду ихъ; ниже уклонишися на десно, ниже на шуе. Разгордѣвыйся же, не хотя повинутися священничества власти въ то время служащему Господу Богу твоему по повелѣнію судій, да умретъ человекъ той, и отымаше лукавство отъ Израиля, и вси людіе слышавше убоятся, да никто къ тому киченіемъ разгордится. Сія предреченная словеса златомъ и серебромъ ушесамъ и памяти нашей вписати намъ подобааетъ. Настоятель же святыя церкви сія подвластнымъ своимъ по вся дни непреставно на память возводити дол-

жесть есть, да благая, яже Господь Моисею и послушаніе творящимъ обща, воспріяти возмогутъ и муки и всѣхъ золь, яже не покоряющимся претяше, уклонитися возмогутъ. На уразумѣніе сихъ нынѣ реченныхъ внимай паче, въ сихъ словеса Господня къ Моисею въ Левитѣхъ глава 26, въ нихъ же законоположитель Моисей изсчитаетъ безконечная благая, яже Богъ обща послушающимъ. И противу многія казни, ими же мучими будутъ не покоряющіся, глаголя: Азъ есмь Господь Богъ вашъ, аще въ повелѣніихъ моихъ пойдете и заповѣди моя соблюдете и сотворите я, дамъ вамъ дождь во время его, и земля произыбнетъ плодъ свой, и дресеса плода исполнятся, и снѣдите хлѣбъ вашъ въ сытость, и безъ боязни поживете въ земли вашей. Дамъ миръ въ концѣхъ вашихъ, уснете—и не будетъ устрашай васъ. Отыму злые звѣри, и мечъ не преидеть предѣлъ вашихъ, поженете враги ваша, и падутъ предъ вами, поженутъ пять отъ васъ сто иноплеменникъ, и сто отъ васъ поженутъ тьму, падутъ враги ваша мечомъ предъ лицомъ вашимъ. Призрю на вы и возращу, и умножиться, и укрѣплю завѣтъ мой съ вами, и положу сѣнь свидѣнія моего посреди васъ, и не отринетъ вы душа моя; пойду посреди васъ и буду Богъ вашъ, вы же будете люди мои.

Аще ли не послушаете мене, ниже сотворите вся заповѣди моя, но отринете законы моя, и судьбы моя презрите и не сотворите повелѣнныхъ отъ мене и истощите завѣтъ мой, азъ же се сотворю вамъ: посѣщу вы скоро скудо-стію, всеу посѣете сѣмена, яже отъ враговъ свѣдена будутъ; положу лицо мое противно вамъ, и падете предъ враги вашими, и покорени будете ненавидящимъ васъ, побѣгнете никому гонящу. Аще ли ни тако послушаете мене, приложу наказанія ваша седмерицею ради грѣховъ вашихъ, и сокрушу гордость непокоренія вашего. Дамъ вамъ небо свыше, яко желѣзо и землю мѣдяну. Потребится всеу трудъ вашъ, не подасть земля плода, ниже дресеса плодъ воздадутъ. Послю на вы звѣри сельные,

иже потребятъ васъ и скоты ваша, и заустѣють путіе ваши. Аще ли ни тако восхоцете воспріяти наказанія, но пойдете сопротивно мнѣ. Азъ же на васъ сопротивень поиду и поражу вы седмерицею ради непослушанія вашего, и наведу на вы мечъ, мститель завѣта моего. Егда же прибѣгнете во грады, пошлю пагубу посредѣ васъ, и предани будете въ руцѣ враговъ, и двѣ жены во единой печи воспекуть хлѣбы, и воздадутъ имъ въ мѣрило; ядите и не насытитесь. Аще ли ни сими послушаете мене и ходите сопротивно мнѣ, и азъ поиду на вы въ гнѣвъ сопротивнѣ, и накажу вы седмію казньми, ради непокоренія вашего, да снѣдите плоти сыновъ вашихъ и дочерій вашихъ, и возненавидитъ васъ душа моя толико, да грады ваша обрашу въ заустѣніе и пусты сотворю свѣтилища ваша и не воспріму къ тому благоуханія сладчайшаго, и погублю землю вашу, и удивятся врази ваши, егда населятъ ю. Васъ же разсѣю въ языки и обьяжу на вы мечъ, и будетъ земля ваша пуста, и грады ваши разрушены, и прочая даже до конца тоя главы прочти. Се колика воздаянія благая обѣща Богъ слушающимъ и ходящимъ по воли и повелѣнію его. И колико страшная злая и безчисленныя казни обѣщаваеъ навести на непослушныя заповѣдей его ради, еже отринувше судьбы его и законы его преступающе презирають и церкви невѣсте его непослушны суть. Сія суть велія и дивная дѣла Господня изыскана во всѣхъ воляхъ его, ниже разство есть, аще настоятель благъ, благочинень и святъ есть, или золь будетъ и строптивъ, понеже по ученію соборныя епистолии первыя Петровы, повиноватися намъ подобаеъ со всею боязнію настоятелемъ церковнымъ, не токмо благимъ и благовравнымъ, но и строптивымъ. Аще кто наказанъ будетъ отъ настоятеля церкви и не послушаетъ, да будетъ ти, яко язычникъ и грѣшникъ. Слово евангельское въ Матѣеи, глава ѱ: тѣмъ бо дана есть всяка власть на небеси и на земли; вся, елика свяжутъ на земли, будутъ связана на небеси, и вся, елика разрѣ-

шать на земли, будутъ разрѣшены и на небеси. Сея ради вязанія и рѣшенія власти отъ Христа церкви и настоятелемъ преданныя, вси царіе, начальницы и прочіи мірстіи господа, вси Христу первѣе и церкви православнѣй и настоятелемъ послушаніе святое съ боязнію и честію изъясляти должни есмы. Не сотворивый же сего не вѣрещь и Богу сопротивленъ вмѣнится. По словеси Павла, избраннаго учителя языковъ, къ римлянѣмъ глава ѿ: всяка душа властемъ высшимъ да покарается; вѣсть бо власть, тоѣмо отъ Бога. А яже суть, отъ Бога устроена суть; тѣмъ же противляяйся власти, Божію строенію противится; противляющіи же ся сами себѣ осужденіе приобрѣтають вѣчное. Аще ли речеть кто, яко о мірской власти сія у апостола речена суть. И аще убо о мірской власти рекъ есть миѣ, якоже глаголетъ апостоль Павелъ пространно въ посланіи и главѣ предреченныхъ. Вѣдомо же есть, яко многія суть заповѣди и безчисленная повелѣнія, въ нихъ же Богу и настоятелемъ церкви Божія подобаетъ повиноватися, яже вся христіаномъ православнымъ во многихъ писаніихъ отъ Христа первѣе и отъ апостоль его и отъ святыхъ отецъ явно и откровенно предана суть. Въ семь же словѣ едину Божію заповѣдь отъ всѣхъ на среду привести потщимся, о немъ же въ настоящемъ въ семь словѣ будетъ глаголь, еже есть писанное во Исходѣ глава ѿ, сицевыми словесы. Да не похощеши дому ближняго твоего, ниже возжелаеши жены его, ни раба, ни рабыни, ни вола, ни ослыте его, ни всего, яже его суть. Въ сей заповѣди законоположитель Моисей заповѣдуетъ всякое безчисленное желаніе и всяко дѣйство грабительства и святотатства, елико къ ближнему; и аще ближняго вещи и имѣнія возжелѣти возбраняются, много больши отняти не попускаются, меньши бо есть вождѣлѣти, нежели отняти. Нынѣ же, аще ближняго обида намъ подѣ казнію вѣчнаго осужденія заповѣдана есть, много больши обида Божія и невѣсты его отняти благая церкви Божія, яже Богу освященна и дана суть; обиду творить первѣе Богу, вто-

рое настоятелю и сопротивленъ Евангелію обрящется, въ немъ же глаголетъ: воздадите кесарева кесареви, и Божія Богу, не рече: отымите у Бога, яже суть Божія. Аще убо еже меньши есть намъ не лѣтъ безъ грѣха. Како лѣтъ будетъ еже тягчае есть грѣхъ, неже чловѣку со-творити преткновеніе. Аще же тягчае есть грѣхъ прогнѣ-вати Бога, то и тягчае отмщеніе и мука мучаще за то должна есть. Отняти же благая церковная есть преткно-веніе Богу и ему обида творити. Сего ради за то, аще не покается и аще не отдастъ, свидеть во огнь вѣчный, дондеже воздасть послѣдній кодрантъ. Сего ради блюдися всяка власть, всякъ чловѣкъ обоего пола, отымати у Бога, яже Божія суть, ради паденія, еже пишется въ Притчахъ въ ѿ главѣ: паденіе бо чловѣку поглащати святыхъ. Сего ради, аще внити хоцещи въ вѣчный жи-вотъ и въ славу царства небеснаго, храни заповѣди, по-неже входъ въ животъ вѣчный есть сохраненіе заповѣдей Божіихъ. Аще ли хоцещи вселитися во адъ съ діаволомъ и князьми его во огнь вѣчный, тогда лѣтъ ти есть благая Божія и церковная отымати. Яже православніи началь-ницы щедрѣ отъ благъ, Богомъ имъ порученныхъ, цер-кви со умиленіемъ за грѣхи своя подаша. Мнози бо рим-стіи начальницы православныя вѣры храпители, яко Кон-стантинъ Великій, сынъ Еленинъ, такожде и россійстіи наши благочестивіи начальницы, князь Владиміръ съ же-ною и чада его, десятое во всякомъ стяжаніи дающе цер-квямъ Божіимъ и монастыремъ. Священную православную и соборную церковь (ею же глава Христось, искупитель нашъ) теплотою вѣры и чистымъ благоговѣйствомъ бод-ростію чествующе, многа благая временная подвижная и неподвижная и многи таланты злата и сребра подаша за душъ своихъ спасеніе. Ихъ же милостивному благоговѣй-ству нашего времени начальницы въ разныхъ міра стра-нахъ сопротивницы, не токмо своихъ не дающе, но та же отъ православныхъ начальниковъ церкви и Христу освя-щенна суть отымати и къ своимъ имѣніамъ прилагати

дерзають, сокровища своя наполнити поучающесея, но ему же таковая собирають невѣдуще, ниже отъ таковыхъ благихъ возрадуется онъ, ни третія наслѣдницы. Коль тяжекъ, коль великъ есть сій непослушанія грѣхъ. Накажися на Ананіи и Сапфирѣ женѣ его, въ Дѣяніихъ глава 5, иже смертную казнь пріиша, понеже не вся принесоша, но себѣ часть соблюсти хотѣша. Сего ради како мучимъ будетъ, и коея муки достойнъ есть, не бояся яже Божія суть отняти. Аще льстий, смертію предварень бысть. Воспомани, о душе, творяща святотатство и поучающася день и ночь церковная благая себѣ получитьи. Понеже умреши въ сію ночь, и нагъ паки возвратишися въ землю, отъ нея же нагъ взять еси. Воспомани притчу евангельскую, Матѳей глава 5: егда даръ твой и милостыню принесеши ко алтарю, не бы преткновеніе сотворилъ еси брату твоему, но Творцу и Спасу души твоея, и по совѣту евангельскому остави даръ твой предъ алтаремъ и иди первое смирися съ братомъ, съ настоятелемъ и Богомъ твоимъ, и отдай церковная и настоятеля ея, яже взялъ еси, и тогда пришедъ принеси даръ твой, аще сего не сотвориши, предасть тя настоятель твой слугѣ адскому, и послеть ты въ темницу, откуду не изыдеши, дондеже воздаси послѣдній кодравтъ. Ни единъ бо грѣхъ вещи отнятыя, по уставу святыхъ отецъ, отпустится. Аще вещь святая не отдана будетъ, и аще грѣхъ тебѣ не отпустится, его же сотвориши (отнявъ грабительствомъ) къ брату твоему, аще вещи не отдаси, здѣ и въ будущемъ, аще не отдаси, яже Божія и церковная и настоятельская отнялъ еси. Прочти къ сему образъ въ третіей книгѣ Царствъ, глава 14. Езавель жена Ахава царя, яже взять виноградъ, напитавъ Науфеа, сосѣда своего и подвластника, не токмо просто отняти хотѣ, но лучши дати или злата или сребра цѣну колику достойнъ бѣ обща, но понеже не хотящу продати и винограда съ ступитися, бысть обида. Поразилъ Господь Богъ отъ Ахава весь мужескъ полъ, и пси слѣдоша Езавель жену его на поли израильствъ. Той вино-

градъ не бѣ церковный, ниже духовной вещи приложенной, ниже Богу и церкви Его освященъ, но бѣ мірскаго челоуѣка не хотящи продати его, и за еже не праведно, сопротивно воли наслѣдника взять бысть, казню смерти, даже до послѣдняго рода Ахава царя мучими быша. Како же мучимъ будетъ и коея муки достоинъ есть той, иже церковь насильствовати и имѣніе ея отымати не страмится. И аще толь тяжцѣ казнь приѣмлетъ обида челоуѣча, како мучимъ будетъ Богу согрѣшивый. Ниже единъ Ахавъ казнь пріять, ниже едина Езавель, но весь мужескъ полъ рода Ахавля погубленъ бысть. Явля Господь, еже не токмо отъемый имѣнія церковная и настоятельская смерти достоинъ будетъ, но и совѣтуый отъемлющему. Отымаяй имѣнія церковная и приобрѣтая себѣ и сокровищу своему духовная, Богу освященная, и совѣтуый съ таковымъ о сихъ словомъ и совѣтомъ, равну казнь пріимуть, понеже творяй и совѣтуый вмѣняются за едино. Сего ради весь Ахавъ родъ вкупѣ съ нимъ погибе. Егда къ церкви, къ ней же поставляются малоугодны разумомъ и нравомъ или люты, того ради тяжкая (яко же учить ны искусство) многажды страдаютъ въ духовныхъ и временныхъ освященныхъ убавленія великая и тяжкая отъ начальниковъ и царей и иныхъ мірскихъ властелей. Сего ради по ученію Павла апостола въ первомъ посланіи къ Тимоѣю, глава г, и къ Титу, глава ѿ: Подобаеть епископу быти безъ порока, праведну и Божіей церкви приставнику, не горду, не гнѣвливу, не піаницѣ, не бійцѣ, не мшелоимцѣ, не сварливу, не сребролюбцу, одомѣ своемъ добрѣ прилежащу. Аще ли кто дома своего строитель быти недоумѣеть, како церкви Божіи съ попеченіемъ прилежство будетъ имѣти. Подобаеть сего ради епископу добру быти, страннолюбцу, боголюбцу, трезву, праведну, святу, воздержну, чинну, разумну, не сварливу, чисту, кротку, милостиву, покойну, мудру, учену, да можетъ осязать слово вѣрно, еже по ученію есть. И да возможетъ наказати въ здоровомъ ученіи вся противляющіяся церкви и

себѣ. И хотящіе церковная имѣнія отымати и сопротивляющіеся себѣ обличати словомъ и дѣломъ и всякимъ прилежаніемъ любовію вѣры противлятися. Епископомъ же, архимандритомъ и игуменомъ и прочимъ духовнымъ православныя церкви правителемъ правды, доходовъ, вещей, имѣній подвижныхъ и неподвижныхъ церкви своея до живота или въ вѣки продати или въ даръ отдати или инымъ попустити отняти не подобаеть. Но яко за своя, тако и за церковная имѣнія съ попеченіемъ и прилежанствомъ долженъ быти стражъ. Да никто же подъ правительствомъ его церковь оставитъ или убавленіе постраждетъ въ вещехъ своихъ и Богу освященныхъ. Въ сихъ вельми попеченіе имѣти долженъ есть пастырь церковный о имѣніи церкви своея, да не впадетъ въ проклятіе, имъ же пророкъ Іеремія претитъ пастыремъ нерадивымъ глаголюмъ, глаголя: проклять челоуѣкъ творяй дѣло Божіе нерадѣніемъ.

Первое убо бреши подобаеть пастырю, дабы его безразсуднымъ правительствомъ и безчиннымъ приставничествомъ церковь его во благихъ сокровищи и имѣніихъ неподобіи не отягчена была. Второе, да прилежно и соблюденіемъ ввимаеть, и съ попеченіемъ управляетъ, да инымъ неправедно отняти хотящимъ отняти стяжанія церковная не поволитъ, но вѣрнѣ, крѣпцѣ и сильнѣ словомъ, совѣтомъ и дѣломъ да противится, глаголя и обличая и церковь ему порученную со стяжаніемъ дерзновенно да защищаеть. Аще сего не сотворитъ, согласенъ отъемлющему явится, и тоя же казни достоинъ, коея отъемляй. Понеже творящій и согласникъ его толико божественными елико градскими правдами казнь приѣмлютъ; и вся люди, безъ на лица зрѣнія, святотатство творящіе или творити хотящіе, долженъ есть епископъ, яко вѣрещъ пастырь, здоровымъ ученіемъ своимъ наказати, и ученію его здоровому противящихся постоаянно обличати и вѣрнѣ отечески наказати, да душъ своихъ за таковъ грѣхъ діаволомъ и слугамъ ихъ не предадутъ. Аще ли наказаніе презрятъ

и епископскому ученію повиноватися не восхотятъ, анаеѣмъ предаются, и отъ церкви, како гнило древо и неключимо, отриновени бывають и держими бывають посреди православныхъ христіанъ, яко невѣрніи и яко язычницы. Не подобаетъ же епископомъ и сей вещи бояться царей или начальниковъ, понеже по апостольскому ученію паче подобаетъ повиноватися Богу, неже человѣкомъ. Мірстіи бо властели человѣцы суть, тѣло отняти могутъ, души же ни. Сего ради всемогущаго Творца, сотворившаго тѣло и душу и могущаго власть тѣло вкупѣ съ душою послати въ геенну, паче всѣхъ бояться подобаетъ. И церковь его, всю мірскую боязнь отложше, блюсти, добръ правити, и вещей ея отымати не попуцати. Здѣ же внимати и разумѣти подобаетъ посреди прочихъ: понеже слово творимъ о святотатствѣ, что есть святотатство? По учителемъ убо святымъ насильствовати или отняти вещи церковныя, и насильствуяй и отымаяй стяжанія церковная наречется святотатець. Бываетъ же святотатство тремя обычаи: первое, отъемлюще священное отъ священнаго; второе, отъемлюще несвященное отъ священнаго; третіе, отъемлюще священное отъ несвященнаго.

Отъемляй бо вещь священную, Богу данную, сильно и противу заповѣди отъ мѣста священнаго, сирѣчь отъ церкви, или отъ иного мѣста, Богу освященнаго, святотатство творить.

Такожде, отъемляй вещь несвященную, сирѣчь золото или серебро, или церковное сокровище, сильно противу заповѣди отъ мѣста священнаго, сирѣчь отъ церкви, или отъ иного мѣста, Богу освященнаго, святотатства творить. И такожде отъемляй вещь священную, Богу данную, сильно и противу заповѣди отъ мѣста несвященнаго, святотатство творить. И иже настоятеля и пастыря своего епископа обличаючи отъ сихъ презреть и ни во что же творить, и обличающаго вредить или словомъ или дѣйствомъ и послушати не восхощеть, ниже повиноватися и къ святымъ отецъ уставы во ничто сотворить, и насиль-

ствомъ (лукавымъ духомъ водимъ совѣтующу діаволу), яже Божія и церкви его суть отъемлетъ и отымати не боится, сугубо святотатство творить. Первое, еже святыхъ отецъ уставовъ не приѣмлетъ и сопротивленіе епископлю здоровому и святому наказанію творить, яже суть отъ святыхъ соборныхъ церкве заповѣданно. Второе, еже вещь, живому Богу освященную и данную, насильствомъ взялъ и сокровищу своему совокупи. Сей грѣхъ святотатства, пожеже тяжекъ есть, каноны святые и священныя правила тяжцѣ казнять. Казнь же святотатства по правиломъ, нѣкогда серебряная, нѣкогда отлученіе анаѣема и явная епитимія и на конецъ живота не дастся ему церковное погребеніе, аще не покается сердцемъ сокрушеннымъ, и полно все церковное взятое настоятелю своему епископу цѣло не отдастъ собою или законными своимъ наследники, или своими приказники, пожеже грѣхъ сій ни здѣ ни въ будущемъ не оставится, аще вещь Божія взятая не отдана будетъ церкви. Всеи человекъ жизни сея обоего пола всякаго достоинства да внемлютъ сіе великое укрѣпленіе и свободство церкви: епископомъ и пастыремъ церкви Христовы, намѣстникомъ вещи ея предано быти, которое аще кто насильствовати покусится, тяжцѣ мучимъ будетъ душею и тѣломъ праведнымъ Божиимъ судомъ. Въ той день боленно есть, егда небеса подвижутся и земля. Сіе же укрѣпленіе и свободство отъ Бога, церкви его преданное, образовано бѣ въ ветхомъ завѣтѣ шестію грады левитскими на помощь бѣглецамъ отдѣленными, да прибѣгнутъ въ нихъ проліяй кровь, яко пишется въ Числѣхъ глава ѿсе, яко отъ тѣхъ градовъ священническихъ ветхаго завѣта, имъ преданныхъ, не бѣ лѣтъ убійцу извлечь и погубити имъ къ нимъ прибѣгшаго. Тако въ новомъ законѣ не попускается изъ дома и града Божія, сирѣчь отъ церкви, или отъ иного мѣста Богу даннаго стажанія отымати епископомъ и пастыремъ противящимся, епископъ же, иже насильникомъ вещей церковныхъ постоянно противился, добрый пастырь есть, не бойся душу свою положить за

овцы своя. Аще ли убоится противлятися или не радить противу глаголати или не восхоцеть стяжаній церковныхъ, себѣ порученныхъ, защищати, яко подобаетъ и достойть по дѣлу на него наложенному, тогда пѣсть пастырь, по наемшику, видѣй волка грядуща бѣжити, и овцехищникомъ оставляетъ волкомъ, вещи вкупѣ и овцы опустошая. И не токмо сіе предреченное укрѣпленіе и свободство Божія церковь и домъ его имѣть, да никому прибѣгшему къ ней неправда будетъ и никто стяжаній церковныхъ отыметъ. Но и въ семь церковь и домъ Божій свободство имѣть, да никто къ ней не достоннѣ и недостойнѣ да приступитъ безъ смертнаы казни.

Якоже образовано въ Числѣхъ въ ѡ и г и д и иі главахъ, идѣже пишутся словеса послѣдующая: Моисей и Ааронъ и сынове ихъ, имуще службу святилища посреде сыновъ израилевыхъ. Аще кто чуждъ приступитъ, да умереть. Се аще смертныи грѣхъ есть недостойнѣ приступити къ мѣстамъ святымъ, како мучимъ будетъ, иже не токмо недостойнѣ приступитъ, но возвращенъ отъ настоятеля своего и отъемлетъ Божія, а не своя. По мѣрѣ убо грѣха будетъ и казнь. Тяжкое бо согрѣшеніе и большій грѣхъ выскуеть большаго отмщенія, понеже грѣху сугубу не довлѣетъ отмщеніе единственное. Такожде по власти и достойнству согрѣшившаго грѣхъ вмѣняется тягчае.

Больши бо согрѣшаетъ царь отъемляи стяжанія церковная, неже начальникъ. И больши согрѣшаетъ начальникъ, неже князь. И князь согрѣшаетъ больши, неже комить, и комить больши согрѣшаетъ, неже воинъ, и воинъ согрѣшаетъ больши, неже простъ добродородный, и простъ добродородный больши согрѣшаетъ, неже простой человекъ. И господинъ тягчае согрѣшаетъ, неже рабъ, достойнство бо согрѣшающаго отягчаетъ грѣхъ, толико бо тягчае есть грѣхъ, елико сорѣшаяи больши есть. Въ ветхомъ убо законѣ подъ казнью смертною никтоже елико святъ, елико праведенъ, благочестенъ и благочиненъ смѣяше къ мѣсту,

въ немъ же слава Божія бѣ, приступити, якоже пишется во Исходѣ, глава г, и во Іисусѣ Навинѣ, глава ѳ, сицевыми словесы: Изуй сапогъ твой отъ ногъ твоихъ, мѣсто бо, на немъ же стоиши, свято есть. И во Исходѣ ѳѳ глава: Блюдите, да не взыдете на гору, ниже прикоснетесь концемъ ея, всякъ прикоснувыйся горѣ смертію да умретъ. Мы же христіане, грецы, русь, въ нихъ же вѣка скончаніе пріиде, иже подъ временемъ благодати рождени есмы и благодатию духовною прерождени, да правда наша преизобилуетъ паче правды фарисейскія и книжникъ, не едина, еже не боимся во грѣсѣхъ въ церковь Божию внити и къ Святая Святыхъ приступити. Но яже церковная и Божія суть, отняти не страшимся или татбою, или хищеніемъ, или насильствомъ противу настоятельскія заповѣди. Въ семъ неправда наша преизобилуетъ и превосходитъ всяку неправду книжникъ и фарисей, саддукей и язычниковъ, иже грабительства Богомъ своимъ не творятъ, боговъ своихъ чествуютъ, приносима приносятъ, отъемлющимъ казни грозны наносятъ. Мы же христіане въ таковыхъ Бога и святыхъ Его много безчествуемъ. Горе намъ, тяжекъ бо грѣхъ творить противу Бога, иже нечистъ совѣстію къ церкви Божіей приступаеть! Тягчае же согрѣшаеть, иже нечистъ вкупѣ и святотатець приступаеть, да возметъ отъ церкви, яже Богу освященна суть. И яко въ предреченныхъ свѣтлѣе есть, явленно же недостояше, ниже попускашеса въ ветхомъ законѣ прибѣгшаго къ церкви челоуѣка согрѣшенія ради какова отъ церкви взяти. Много паче нынѣ недостойтъ, по крѣпщѣ подъ великою и тяжкою казнью заповѣдано, стяжанія, яже Богу и церкви сдаванна суть отняти. И аще челоуѣкъ осужденъ будетъ смерти вѣчной, да еже не сотвори милости ни отъ своего имѣнія, праведно собраннаго, убогому и нищему, крѣпчае и много паче осужденъ будетъ во огнь вѣчный, аще кто возметъ чужая и наипаче церковная блага. Речется бо имъ праведнымъ судію во онъ великій день суда милости не сотворшимъ отъ своихъ

стяжаній: Отыдите, проклятіи, во огонь вѣчный, вамъ и діаволу уготованный огъ вѣка: взалкахъ бо, и не дасте ми ясти, вжадахся, и не напоите мене, нагъ бѣхъ, и не одѣясте мене. И тако и прочихъ дѣлѣхъ милосердія, яже довольно и полно исчитаетъ евангельская повѣсть, яко всѣмъ вѣрнымъ, чтущимъ ю, свѣта свѣтлѣе есть. Аще тѣмъ толь жестоко отвѣтъ дастся, и толь горька вѣчная мука, иже отъ своихъ благъ праведнѣ собранныхъ милостыни нищимъ не даша, каковъ, мниши, дастся отвѣтъ чужая отъ емлющимъ, татьбу творящимъ, Божія и церковная вземлющимъ безъ страха и чествованія противу всякія правды божественныя и человѣческія. Аще убо заповѣдано божественнымъ закономъ, яко выше речено есть: отымати, яже человѣча суть, больши заповѣдано, разумѣтся, яже Божія и церковная суть отымати. Тягчае бо грѣхъ есть сотворити неправду господину, неже рабу, тяжчае согрѣшеніе противу царя, неже противу подвластника, тягчае противу Бога, неже противу человѣка одинаго рода грѣхомъ. Аще убо человѣкъ согрѣши къ человѣку, очистити его можетъ Богъ, аще къ Богу согрѣшитъ человѣкъ, кто помолится о немъ. Якоже пишеть въ первой книзѣ Царствъ, глава ѳ. Сіе слово вельми внимати и ушесамъ предати должни суть не срамляющіися на церковная благая наступати и неподобнѣ безъ настоятельскаго освобожденія и поущенія отымати. Аще бо святотатство есть боговъ языческихъ и кумировъ ихъ принесенная благая отняти, больши святотатство вмѣнятся отняти благая, живому Богу принесенная; кумиры языческія золотыя и серебряныя имѣють укрѣпленіе, да никто безъ казни имъ принесенныхъ отняти можетъ. Много паче церковь истиннаго Бога сіе укрѣпленіе имѣти достоинъ, да никто безъ смертныя казни церкви безсмертнаго Бога благая отняти возможетъ или дерзнетъ сопротивно творя, тяжкія муки временныя и вѣчныя достоинъ будетъ. Толь великое церковное укрѣпленіе отъ святыхъ отецъ и міра царей Духомъ Святымъ дано. Да ты же единою данное или принесенное

что ни буди или злато, или сребро, или село, или градъ, или животное, настоятель церковный сихъ собою или инымъ отъ церкви отлучити не можетъ, ниже инъ кто отнати можетъ, ниже къ тому въ неосвященную потребу, сирѣчь въ мірскую, отъити можетъ. Якоже пишется въ Левитѣхъ, на концѣ глава 1, сичевыми словесы: вся яже Богу освященная, или человекъ, или животное, или село да не отыдетъ, ниже искупитися возможетъ. Елико единою будетъ освященно, свято святыхъ будетъ Господеви. Отъ сихъ словесъ свѣтло является еже всяка вещь, какова будетъ, аще Богу принесена будетъ единою, еже паки къ человекомъ отыти не возможетъ, ниже куплею, ниже искупленіемъ цѣны, ниже инымъ каковымъ обычаемъ.

Сего ради отъ сильнаго ниже грабительствомъ и неправеднымъ навываемъ той законъ никто отъ царей, ниже начальниковъ, ни иныхъ господъ мірскихъ порушити возможетъ. Повеже законъ Бога живаго и безсмертнаго есть, вышняго бо законъ отъ нижняго взятися не можетъ. Ниже поволити можетъ настоятель епископъ противу того закона. Повеже ниже господинъ можетъ поволити противу закона вышняго, когда заве не можетъ быти ученикъ больши учителя, ниже рабъ больши господина своего. Сего ради не порушенъ той законъ будетъ вовѣки. Яко выше речено въ Левитѣхъ писанное на концѣ книги: Еже единою Богу освященно и дарованно есть, всегда пребудетъ свято святыхъ Господу Богу нашему. Здѣ же внимати треба есть: Мнози бо царіе и начальницы и міра власти въ первоначальнѣй церкви, сребролюбствомъ водими, хотяще отнати злато, сребро и прочая стяжанія святымъ и церкви Божіей принесенная, разрушиша Божія законы и святыхъ образы, заповѣдаша честь и поклоненіе творити не инымъ ради вины, токмо да подъ тѣмъ покровомъ и подъ тѣмъ подписаніемъ власть, яже церковная бѣ, отнята, и къ своимъ богатствомъ и сокровищу приложити свободство безъ вины да имѣють. Яко Іуліанъ кесарь отступникъ сотвори, иже желаніе святотатства евангельскимъ свидѣтельствомъ

покрываше, егда имѣнія и стяжанія отымаше у христіанъ и церкви Божіей глаголя: Христось вашъ во евангеліи глаголетъ: Аще кто не отречется всѣхъ, яже имать, не можетъ быти ученикъ; и паки: Аще кто не оставитъ отца и матеръ, жену, домъ, села и вся, яже имать, нѣсть мене достоинъ. И паки: Не пецытеся, глаголюще, что ямы или піемъ, или во что облечемся, сихъ всѣхъ языцы ищутъ, вѣсть бо Отець вашъ, яко сихъ всѣхъ требуетъ; не пецытеся о утріи. И паки: Не собирайте себѣ сокровище на земли, идѣже тля тлеть и червіе поядають и татіе подкапываютъ и крадутъ: собирайте себѣ сокровища на небеси, идѣже ни тля тлеть, ни червіе поядають и идѣже татіе не подкапываютъ, ни крадутъ. И паки: Чадца, коль не удобно есть уповающимъ на сребро въ царство Божіе внити; уне есть велбуду сквозъ уши иголны пройти, неже богатому внити въ царство Божіе. И паки: Птицы небесныя гнѣзда имуть, Сынъ же Человѣческій не имать гдѣ главу подклонити. Сими и многими иными евангельскими свидѣтельствами увѣщеваше. Той же Іудіанъ предреченный, настоятелемъ христіанскимъ и церкви Божіей ни что достойнѣ имѣти утверждаше, и вся ихъ и церкви Божіи подъ таковымъ покровомъ отымаше, и къ своему стяжанію приписываше. И паки глаголя: Блаженіи нищии духомъ, яко тѣхъ есть царство небесное. И паки: Не послѣдуйте злата ни сребра, ни мѣдницъ при поясѣхъ вашихъ, ни пиры на пути, ниже дву ризъ, ниже сандалию, ни жезла, и многимъ инымъ евангельскимъ писаніемъ той Іудіанъ отступникъ покрываше сребролюбіе свое, да настоятелей, епископовъ и церкви Божіей стяжанія и иная благая стяжати возможетъ. Ради сихъ и иныхъ прежде писанныхъ, вы епископи и пастыри церкви православныя, будете брежно уразумѣвая и мудри, яко змія, и прости, яко голуби, да здравымъ ученіемъ таковымъ отвѣщати можете. Воспомяните, понеже посла вы Христось Господь вашъ учитель, яко овцы посредѣ волковъ. Не убойтеся, аще предадутъ вы на соимщица и игемоны, и предъ пари

ради грабленія церкви, стяжаній вамъ порученныхъ и освященныхъ. Помяните убо, яже написано суть, Лука ѿ глава, сипе: Глаголю же вамъ, другомъ моимъ: не убойтесь отъ убивающихъ плоть и по сихъ ни что же могущихъ сотворити. Бойтесь же, по убіеніи плоти, имущаго власть послати душу въ геенну, сего бойтесь. Егда же ведутъ вы на сонмища предъ цари и игемоны и вельможи и властели, ради стяжанія церкви вашея, не щитесь, како или что за преткновеніе речете, Духъ бо Святыи Отца вашего, глаголай въ васъ, научитъ вы въ той часъ, что подобаеть вамъ глаголати. Такожде помяните слово Христова, еже написа вамъ Іоаннъ, глава ѿ: нѣсть рабъ больши господина своего. Аще мене поженоша, и васъ поженуть, аще слово мое соблюдоша, и ваше слово соблюдутъ, и сія сотворятъ вамъ ради имени моего, понеже не вѣдять пославшаго мя. Аще не быхъ азъ пришелъ и глаголахъ имъ, грѣха не быша имѣли. Нынѣ же обинovenія не имуть о грѣсѣ своемъ. Сихъ ради предреченныхъ словесъ евангельскихъ, епископи и пастыри церковнии попеченіе имѣти должны суть, учени и разумни, да словомъ и дѣломъ, совѣтомъ и здравымъ ученіемъ, стяжанія церкви своея защищати возмогутъ, по утверженіемъ святыхъ отецъ на сія написаннымъ и дарованнымъ, пастыри церковные могутъ церквей своихъ стяжанія, села и иная благая защищати и на защищеніе ихъ соблюденіемъ прилежно труждатися, да отъ иныхъ наступанія, пи отыманія и отлученія воспріимуть. Ниже отъ себе достонтъ епископомъ сродникомъ своимъ духовнымъ людемъ или мірскимъ вещей и стяжаній церковныхъ, имъ порученыхъ, дати, да въ бо благая церковная мірскимъ челоукомъ и отъемлющимъ не противляся, яко святотатець посреди прочихъ еретиковъ вмѣнится. Такожде никто отъ кесарей, или царей, или начальниковъ, или янъ кто господинъ и мірскій челоукъ можетъ епископовъ, пастырей и настоятелей церковныхъ и клириковъ имъ порученныхъ судити, бити и обиду словомъ или дѣломъ нанести безъ казни и ана-

еемы, ниже о церковныхъ вещехъ улагати или устроить, ниже вступатися свобдство имѣть. Аще ли сопротивно сотворить тѣмъ дѣйствомъ, правила божественными отлученъ отъ общества христіанскаго, разумѣтся, треба есть вѣдати, еже богатство церковное стяжаніе есть нищихъ и испуленіе плѣнныхъ. Такожде грабителей вещей епископскихъ и пастырскихъ достоить отлучати, яко и церковныхъ грабителей, понеже пастырь женихъ своєю церкви наричется быти.

Сего ради ни епископъ въ вещахъ церковныхъ можетъ сотворити при смерти приказанія, еже кому что дати, понеже вся его вещи стяжанія суть церковная и про будущаго настоятеля сохранянымъ быти подобають. Грабители таковыхъ вещей или наступники анаѣому проклятіе преобрѣтають, ниже услышатися достоить отъ лжехристіанъ, иже съ Іудіаномъ отступникомъ отъ евангельскаго писанія явити тщатся, яко Христось ничто же свое имѣяше и ни одинаго богатства собираше. Тако и церкви Христовѣй ни одинаго наслѣдства или стяжанія достоить имѣти. Собираеть же ся отъ евангелія Іоаннова, глава ѱ, еже Христось имѣяше ковчежець и пѣныязи, егда глаголется: рече же единъ отъ ученикъ его, Іуда Симоновъ Искаріотскій, иже и хотяше его предати, чесо ради муро се не продано бысть на трехъ стѣхъ пѣныязь и дано нищимъ. Рече же сей, не яко о нищихъ печашеся, но понеже тать бѣ и ковчежець имый и вметаемая ношаше. И Іоанвѣ ѿ, глагола ему Іисусъ: еже твориши, сотвори скоро. Сего никто же разумѣ отъ возлежащихъ, къ чесому рече ему. Нѣды же мняху, понеже ковчежець имѣяше Іуда, яко глагола ему Іисусъ: купи, еже требуемъ на праздникъ, или нищимъ нѣчто да дасть. Отъ предреченныхъ евангельскихъ словесъ явно разумѣтся, яко Христось и ученики Его ковчежець имѣша на истребу свою и на потребу нищимъ, и той преда, яко приставнику своему, да купить, яже суть на потребу и нищимъ да дасть. И посему еже Христось, глава церкви, ковчежець имѣ, знаменоваше церкви своей

въ будущее и нынѣ ковчежець и стяжанія и сокровища имѣти. Константинъ Великій, сынъ Еленинъ, царь вселенныя земля, даде церкви святѣй римстѣй многая благая подвижная и неподвижная: царства, страны, земли, грады, золото, серебро, яко является въ писаніи за златою печатью на сія учиненомъ, въ немъ же близъ конца сице пишется: да не оскудѣетъ превьсота архіерейская нищетою, но да украшена будетъ славою и достоинствомъ римстѣй церкви.

Толико домъ нашъ, елико римскій градъ и вси италійскія и вси западныя страны, мѣста, грады, острова, яже окрестъ Италиі суть, отцу нашему Сильвестру и всѣмъ по немъ будущимъ подъ правою римскія церкви любовію даемъ и даруемъ о Христѣ челоуѣческаго рода искупитель. Мы же наше царство пренесемъ на востокъ въ Византию градъ и прочая, яко является въ писаніи за златою печатью на сіе дарованіе написанномъ: Яже здѣ должно есть вся слово вписати. Сіе дарованіе, бывшее Константиномъ, царемъ римстѣй церкви, Лодовикъ первый, царь римскій, и Каруль великій царь, и Отто первый, и Индрикъ, первіи римскіи цари, покрѣпиша. И мнози иніи священнаго царства начальницы и цари, ихъ же должно есть здѣ особнѣ по имянемъ вписати, яко римскаго царства царіе, римстѣй церкви безчисленная благая подвижная и неподвижная назнаменоваша и даша; тако и мнози иніи начальницы и князи иныхъ странъ и царствъ, разныхъ странъ міра и царствъ во многихъ міра странахъ своимъ епископомъ, пастыремъ церкви Божія, села, стяжанія за души своя и сродниковъ своихъ спасеніе подаваша и даже до днесь по духовнымъ даютъ. Яко и здѣ видимъ въ достойномъ русскомъ отечествѣ и иныхъ странахъ міра, идѣже церковь Христова основана есть. И не токмо предреченныя начальницы просто церкви Христовѣ стяжанія подаваша, но отъ власти кесарскія грамотами и писаніи и златыми печатми устроивше укрѣпиша. Да ни единъ епископъ, пастырь или священникъ съ села или съ

состояній церковныхъ дань давати долженъ будетъ. Но свободна вся стяжанія имѣти будутъ, ниже властелемъ дань давати, но властели епископомъ, яко пастыремъ давати должны будутъ. Такожде устроиша и подъ казнию оставиша, дабы мірстїи челоуѣцы о вещехъ церковныхъ не улагали, ниже въ таковая вступалися, ниже имъ таковыя вещи приказуемы управлять противу воли пастырскїя дерзають. Ниже мірскїй челоуѣкъ въ дѣлѣхъ церковныхъ и клирическихъ судити или искати будетъ, ниже на свидѣтельство ни взысканіе на судѣ попущену достоинъ быти противу клирика, или въ дѣлѣхъ клирическихъ и церковныхъ. Сего ради аще таковая предреченная суть мірскимъ челоуѣкомъ возбранена, много паче и крѣпчае разумѣется, да не церковная и клирическая данная возмогутъ отымати. И на большее уразумѣніе предреченныхъ, такожде послѣдующихъ треба есть внимати словеса евангельская, яже пишутся, Лука ѳв, сице: егда послахъ вы безъ мѣха и пиры и сапогъ, еда что лишени бысте? Они же рѣша: ничесоже. Рече же имъ Іисусъ: но нынѣ, иже имать мѣхъ, да возметъ такожде и пиру. А иже не имать, да продастъ ризу свою и купитъ мечъ. Они же рѣша: Господи, се меча здѣ два. Въ сихъ евангельскихъ словесѣхъ не будемъ сопротивленія помышляти словесъ, но по разумному стоянію времени и по священному таинству о Христовѣ церкви разумѣти. Понеже рече Христосъ сія предреченная словеса ученикомъ своимъ, да назнаменуеть и явить церковь свою въ будущая времена при святыхъ пастырехъ и отцѣхъ въ временная и духовная наслѣдствовать стяжанія и двѣма мечи стяжанія защищити. Здѣ же разумѣти треба есть, еже мечъ есть сугубъ. Единъ мечъ есть вещественный, его же имѣяше Петръ апостоль, егда отрѣза уxo Малху въ вертоградѣ, яко четется во евангелїи въ Христовѣ страданїи. Той мечъ достоинъ пастыремъ церковнымъ имѣти защищенїе церкви своея, даже и до своего кровопролитїя, аще токмо духовнымъ мечомъ ничто же поспѣшествуеть. Второй мечъ

есть духовный, его же Господь даде Петру и будущимъ по немъ, глаголя: аще ни тако послушаетъ тя, да будетъ ти, яко язычникъ и грѣшникъ, ими же словеса со властію вязати и рѣшити даде Господь ученикомъ своимъ отлученія и анаѳемѣ преданія. И сію власть мы наричемъ мечомъ духовнымъ въ писаніихъ святыхъ; симъ мечомъ церкви защищаются и обороняются достоинъ первѣе. Аще ли по третіемъ наказаніи непослушники не сотворятъ повиновенія и сопротивны пребудутъ не хотяще наказатися, ни вый своихъ гордыхъ пастыремъ подклонити и Христу повинутися, тогда помощію плечей мірскихъ дѣйствовать могутъ мечомъ вещественнымъ на отвращеніе силы сопротивныхъ. Уже довольно и пространно въ предреченныхъ явно есть, еже царемъ, начальникомъ и міра сего властелемъ стяжаній церковныхъ и пастырскихъ насильствовать, отнимати или похищати, по уставу Святыхъ Отець и блаженныхъ царей, не достоинъ. И како пастыремъ, сопротивная творящимъ, сопротивлятися словомъ и дѣломъ и мечомъ толико духовнымъ, елико вещественнымъ. Нынѣ же правымъ чиномъ въизу писанныхъ явити хотимъ подобники про всѣ кесари, цари и начальники толико въ велхомъ, елико въ новомъ законѣ, како и кою мукою праведнѣ мучими суть. Иже противу Божія заповѣди и Святыхъ Отець уставовъ и блаженныхъ царей законовъ церковная стяжанія, села и наслѣдствія отнати дерзнуша и дѣйствомъ взяша и къ стяжаніямъ и сокровищамъ своимъ приложиша. И первое взыде на память писанное въ Давидѣ глава ѡ и ѣ, еже Навуходоносоръ царь вавилонскій, отнати и отнесе сосуды златы и серебряныя отъ церкви, яже бѣ во Іерусалимѣ. И за сіе содѣянное той царства своего лишень бысть и отъ чловѣкъ раздѣленъ бысть и со скоты и звѣрьми жилище его бысть и траву, яко телець, ядаше.

Такожде Навуходоносоровъ сынъ Валтасаръ (Витасаръ) царь, егда пиръ творяше вельможамъ своимъ, тысяще мужемъ, тогда повелѣ принести сосуды златыя и серебряныя,

иже изнесе отецъ его Навуходоносоръ отъ храма Господня, иже во Иерусалимѣ, піяше же и ядаше изъ нихъ самъ и сущіи съ нимъ. Въ той часъ явился рука чловѣча по запысты и писаше персты на празѣ стѣны палаты царицы. Царь же видѣніемъ тѣмъ измѣни лице свое, и разслабѣ чреслы и колѣномъ, и призва Давиила пророка и попроси его (и се, понеже не разумѣша сего лживіи пророцы и волхвы). Давииль же возрѣ на писаніе и разумѣвъ, рече сице: мани, текель, еаресъ, еже есть се: измѣри Богъ царство твое и скончаніе его, и отыметъ царство твое отъ тебе и отдастъся мидомъ и персомъ, понеже дерзнулъ еси священные сосуды храма Господня осквернити. Пророкъ Давииль, глава ᠒.

Такожде Антиохъ царь, наслѣдникъ Александра Великаго, вниде съ гордостію во Святая Святыхъ и взя престоль златый и вся сосуды его, злато, серебро и вся сокровища церкви Божія и отыде въ землю свою. Сего ради приобрѣте себѣ скорбь, тугу и смерть въ земли чуждей въ нищетѣ велицѣ, яко пишется въ Маккавейской первой книгѣ, глава ᠒.

Въ ветхомъ завѣтѣ цари и мірстїи господа ни единыя власти въ священницѣхъ и стяжаніяхъ церковныхъ имѣша.

Сего ради Ровоамъ погуби царство свое, понеже священниковъ совѣта не послуша.

И царь Іозія проказою пораженъ бысть, зане чинъ священничъ себѣ похити.

Такожде Іоась, царь израилевъ, приведе плѣнела Амаза, царя іудова, и взять все злато и серебро и вся сосуды, яже обрѣтошася въ дому Господни, и возвратися въ Самарію, и за сіе содѣянное сократишася дніе его и погребенъ бысть со отцы своими, яко пишется въ четвертой книгѣ Царствъ, глава ᠒᠔.

Такожде согрѣши Езекиа, царь іудовъ, егда введе пословъ вавилонскихъ въ хранилище ароматное и сокровища дома Господня. Сего ради прогнѣвася на нь Господь, и рече ему Исаіемъ пророкомъ: сія глаголетъ Господь: дніе

придутъ и отымутся вся сія въ Вавилонъ. Аще тако наказанъ бысть, иже токмо сокровище Господне и церковное иноплеменникомъ гордостію показа. Како мучепъ будетъ, иже не боится отнати е, противу Божія и пастыря своего заповѣди. Отъ предреченныхъ словесъ разумѣтся, еже церкви и пастыремъ ея достоятъ имѣти сокровище. Понеже и соборище церкви іудейскія сокровище имѣ, его же Езекія царь предреченный посламъ царя вавилонскаго показа.

Такожде Гай, римскій кесарь, мысль на похищеніе обрати, ни одинаго человекъ оставляя, человекская и божественная себѣ приобрѣтя. Сего ради праведнымъ судомъ Божиимъ убиенъ бысть съ женою и чады и вси останцы рода его погибоша. Въ его же смерти время идогъ въ Римъ просмѣяся, яко есть писано.

Такожде Неронъ, римскій кесарь, по мнозѣ мучительствѣ и по велицѣмъ христіанскомъ гоненіи и грабленіи стяжаній церкви Божія, яко явный врагъ отъ старѣйшинства римскаго осужденъ бысть праведнымъ судомъ Божиимъ: избѣжа убогъ и странень отъ града Рима и самъ себе въ отчаяніи погуби.

Такожде Галла, римскій кесарь, сребролюбствомъ водимъ наступаше толико на своихъ подвластниковъ, елико на христіанскія стяжанія противу всякія неправды. Сего ради попущеніемъ Божественнымъ самъ ся уби.

Такожде Вителлій, римскій кесарь, всякаго сребролюбія исполненъ, стяжанія церковная похищаше, на торжищи явно предъ народомъ убиенъ бысть и въ Тивръ рѣку, яко врагъ церковный, вверженъ бысть.

Такожде Домисіанъ, по многихъ злодѣйствѣхъ своихъ подвластникомъ и христіаномъ нанесенныхъ, всѣмъ человекомъ ненавистенъ бысть, пораженъ бысть Божиимъ судомъ, лѣта житія своего лѣ-го, яко живота не достоинъ.

Такожде Маріанъ, римскій кесарь, не бояся христіанъ вредити и ихъ имѣнія сокровищу своему прилагати, истеченіемъ чрева дивственно, яко кесарства недостоинъ, погибе.

Такожде Коммодъ, римскій кесарь, врагъ и ненавистникъ рода христіанскаго и церкви Божія, въ лѣто вѣка своего 17-го, закланъ бысть устроєніемъ жены своея.

Такожде Марко Аврелій, кесарь римскій, ни единому память благу остави, церкви Божіей завидя и стяжанія собирая и сокровищу своему прилагая. Сего ради въ лѣто вѣка своего 13-е смертію отъ воиновъ своихъ убієнь бысть, вкупѣ живота и кесарства лишєнь и тѣло его съ великою срамотою влекомо бысть по стогнамъ града Рима.

Такожде Александръ, кесарь римскій, въ Магунгіи германстѣй въ соборищахъ воиновъ своихъ ради сребролюбія своего и стяжаній церковныхъ взятыхъ погибє.

Такожде, яко пишется, Юлій, римскій кесарь, Максимъ прозвищемъ, во градѣ Аквилегіи попущеніемъ Божественнымъ убієнь бысть, гонєнію и животу вкупѣ конецъ сотвори.

Такожде Декій, кесарь римскій, по убієніи Сикстора, папы мученика, взыска сокровища церковнаго отъ блаженнаго Лаврентія діакона Валеріаномъ приказникомъ своимъ, Лаврентій же прже разда нищимъ. Коя ради вины разгнѣвася Декій повелѣ блаженнаго Лаврентія на рѣдкѣ печи. По страданіи же святого Лаврентія кесарь Декій и Валеріанъ приказникъ его демономъ мучими, въ третій день по страданіи святого Лаврентія испусти горцѣ духъ во огонь вѣчный въ велицѣ пагубѣ и скорби и въ вѣки тамо пребудеть.

Такожде Галль, римскій кесарь, ради подобныхъ прочимъ дѣйствъ противу церкви Божія и пастырей обьяденіемъ чрева умре. А сынъ его, законный наслѣдникъ кесарь, убієнь бысть.

И Галієнь, римскій кесарь, ради наступленія на церковная стяжанія отъ своихъ воинъ мечемъ пронзенъ бысть въ лѣто вѣка сего пятьдесятое, егда въ Медіоланъ внити хотяше.

Такожде Уалеріанъ кесарь, сребролюбія его ради, еже ко христіаномъ и церкви Божіей, божественною молнією

устрашень и близъ Константина града отъ воиновъ своихъ убиень бысть.

И Провъ кесарь таковыя же ради вины отъ соборища воинъ своихъ убиень бысть.

И Фарусъ кесарь молнією божественною и блиставиємъ небеснымъ ради многого зла, еже сотвори церкви Божіей, погибе.

О Діоклетіанъ кесаръ пишется, еже на всемъ востоцѣ и западѣ разори церкви Божія и имѣнія ихъ сокровищу своему приложи; сего ради Божественнымъ судомъ по бѣснованіи немилосердія своего злѣ задушень бысть.

Такожде Максиміанъ кесарь тоя же ради вины злѣ скончася, исполненъ всякія тѣлесныя болѣзни и нецѣлоумія. О Іуліанъ кесаръ отступницѣ пишется, еже егда бѣ ратуя на персы по мнозѣ злѣ сотворшемъ на церкви Божія, стяжанія ихъ къ своимъ прилагая, явися нѣкто воинъ незнаемъ (иже бѣ, яко глаголется, святой Меркурій, повелѣніємъ Пречистыя Дѣвы Маріи посланъ той же воинъ) вооружень и съ копіемъ пришедъ, порѣза конь свой острогами, копіе крѣпце направляя, дерзновенно Іуліана порази и посреди поверже и внезапно отшедъ, яко никогда явися. И сие Іуліанъ злѣ сконча животь свой. Понеже церковная стяжанія у пастырей множицею отяятъ. Такожде Валенсъ кесарь церкви Божіей вельми тяжекъ бѣ, устави законъ, да мниси и пастыріе церковніи воинствовати должны будутъ. И съ церковныхъ стяжаній двору его и воинству его да служатъ, на ополченіе воинство да собирають. Противляющися же злѣ повелѣ убивати. Коя ради вины той Валенсъ Божіимъ судомъ по убиеніи войска своего отъ готвъ въ домъ нѣкій пусть, да не убиень будетъ, прибѣжа, идѣже грѣховъ своихъ ради и съ домомъ сожженъ бысть, гнѣва Божія не избѣжа. Зено кесарь, сребролюбственнаго раскола помощникъ, скотское на церковные пастыри и мужи правовѣрные и на церкви Божія нося въ мысли своей мучительство, стяжанія церковная сокровищу своему прилагая. Сего ради такожде

въ лѣто кесарства своего зѣ злѣ умре. Анастасій кесарь, поборая по еретицѣхъ церковь Божию съ пастырни ея гоняше, стяжанія ихъ отъемля и къ сокровищу своему прилагая, приписываше. Сего ради праведнымъ судомъ Божиимъ отъ молніи погибе. Маврикій кесарь ради грѣховъ своихъ, яже сотвори Христовѣ церкви, попущеніемъ Божиимъ отъ Фоки обезглавленъ бысть, и жена и чада его отъ Фоки же со всѣми останки рода погублены быша, вкупѣ кесарства, жены и чадъ наслѣдниковъ лишень бысть. И той Фока кесарь, такожде мучитель и врагъ церковный и пастырскій, повелѣніемъ Иракліа погубленъ бысть попущеніемъ Божиимъ. Ираклій кесарь, того же сребролюбія и порока ради ереси монохелитскія, водянымъ недугомъ Божиимъ попущеніемъ одержимъ бысть, безъ уврачеванія злѣ умре. Такожде Константицъ четвертый правовѣрныхъ мужей жизнь и церковь гоняше, стяжанія и вещи отъемля. Сего ради отъ воиновъ своихъ злѣ убіенъ бысть Божиимъ попущеніемъ праведнымъ. Іустиніанъ второй кесарь, сынъ Константина четвертаго, Сергіа папу римскаго изъ града Рима изгна, сокровище церковное къ своему прилагая. Сего ради Божиимъ судомъ отъ Льва кесаря четвертаго, кесарства, носа и языка вкупѣ лишень бысть и въ заточеніе посланъ. Того же Льва Филиппъ кесарь въ Константиинѣ градѣ уби, за еже шестого собора отвержеся и не погребенъ бысть быти царече. Филиппъ же кесарь такожде противу пастырей церкви Божія ратуя и шестый соборъ отрицаше, Божиимъ судомъ очей лишень бысть отъ Анастасіа кесаря, послѣдователя своего. Такожде Константинъ шестый, сынъ Льва кесаря, кесарства отча и немилосердія наслѣдникъ и уставовъ Святыхъ Отецъ гонитель, церковный разоритель, Богу и всѣмъ человекомъ ненавистливъ, казнью злою зажженіемъ божественнымъ пораженъ и злѣ ради грѣхъ своихъ умре, во огнь вѣчный мучитися посланъ. Уже довольно и преизлишно отъ начала словесе сего многими подобники немилосердая дѣйства и злыя казни, яже пріяша, многихъ кесарей явихъ.

Како Божіимъ праведнымъ и неиспытаннымъ судомъ казнь приѣмлетъ человекъ той, иже разгордится и не хочетъ пастырской и епископа своего власти и заповѣдемъ повиновенія имѣти, но по воли своей незаконно жити, и яже суть Божія къ сокровищу своему приписывати и прилагати. Сего ради всякъ мірскій начальникъ и властель долженъ есть бояться Господа Бога своего и хранили законъ Божій и ходити и творити по всѣмъ, яже въ законѣ писана и повелѣна суть. И да не превознесется сердце его въ гордости на настоятели церковные, ниже да уклонится на десно, или на шуе отъ заповѣдей пастыря своего. Да на многа время и на многія возможетъ царствовать дѣла, онъ и наслѣдники его въ покойнѣ мирѣ и всѣхъ благъ довольствѣ отъ рода въ родъ на кесарствѣ и царствѣ своемъ. Здѣ же внимати вельми треба есть, еже вси цари іудейстїи бѣша идолопоклонницы и святотатства грѣшницы, опричь трехъ, си есть: Давида, Езекии, Іозїи. Тѣмъ же праведнымъ судомъ Божіимъ оскудѣ царство іудейское, царскихъ ради и всѣхъ людей грѣховъ. Такожде мнози отъ Константина града царей ходиша въ сребролюбїи благая церковная отъемлюще, сего ради яко царство іудейское и съ царьми своими вкупѣ погибе и достойно. Понеже царство вкупѣ и власть на пастыри церковные, яко на своя воины имѣти дерзнуша. Мірстїи бо властели ни единого повелительства и власти на пастыри церковные имѣти должны суть, ниже достоитъ имъ. Егда же власть имѣти надъ правительми и пастыри церковными и своими начнутъ гордости ради, или сребролюбїя, или ненависти, или иныя коея ради вины, тогда близъ того властеля будетъ погибель. Понеже паденіе есть человекъу поглотати святыхъ, яко пишется въ притчахъ, глава к: царское бо и начальническое и прочихъ господь міра дѣло быти достойно есть праведная повелѣвати, а неподобная возбраняти. Сего ради всяка власть устроена есть Богомъ, да зліи и лукавіи человекъцы отъ злыхъ дѣйствъ воздержани будутъ. Блази же посреде злыхъ покойнѣ и

мирнѣ да поживуть безъ неправдъ и невредимо. Того ради царіе и начальницы въ мирѣ семь уставлени суть, да судъ, правду и управление подвластникомъ творять, честь бо царева по псалмописцу Давиду судъ любить. Имъ пристойтъ злыхъ казнити, пастырей своихъ защищати. Пастырь же церковный за господина своего временнаго молитися долженъ есть. Господинъ же пастыря своего съ вещми церковными защищати долженъ есть, селянинъ же тружdatися и питати обоихъ, толико господина своего временнаго, елико пастыря души своея долженъ есть. Сего бо ради мирстїи господа власть отъ Бога приѣмлютъ, да на хулящихъ имя Божіе и враждующихъ пастыремъ и грабящихъ церковная достойну казнь будутъ налагати безъ милосердія. Но увы, царіе іудейстїи сего не сотвориша и много меньши царіе израильстїи и еще паче меньши царіе гречестїи и римстїи, сего ради глаголетъ на нихъ Исаіа, глава ѿ. Сего ради ведомы суть людїе мои плѣнненны, понеже не имѣша разума видѣнія и благороднїи ихъ погибоша гладомъ, и общество и множество ихъ жаждою изсше. Сего ради расшири адъ душу свою и отверзе уста своя безъ всякаго срока потерпѣнія времени, да снудуть крѣпчайшіи его и людїе его и высшіи и славнїи его къ нему, и наклонитя, и смиритя мужъ, и очи высшихъ унизятя. За еже не гнѣша слова псалмописца Давида, псаломъ рїї, въ началѣ предписаннаго, си есть: ты заповѣда заповѣди твоя сохранити зѣло. Ахъ, дабы сія внимали и разумѣли и послѣднимъ провидѣніе имѣли нашего времени царіе и начальницы, иже чужая похищаютъ и отъемлютъ, и иже отъ своихъ милостыни не творятъ, и нищихъ погнѣтають, и убога и сира не слышатъ, и иже мзду на неповинномъ приѣмлютъ и плѣнненыхъ не искупають. И иже у пастырей, колико благая временная, толико духовная противу божественныхъ заповѣди держаютъ отымати, да не когда прогнѣвается Господь и погнѣтнуть отъ пути праведнаго. Дабы чли оно грозно слово Павла апостола въ первомъ къ коринтеяномъ

посланиі глава ̑ сице: ниже грабители царство Божіе наслѣдятъ. Всякъ бо человекъ, елико какова достоинства будетъ, погубить душу свою, аще взятаго церковнаго, егда возможно будетъ отдати, не исправитъ, ниже покаяніе сотворити восхощетъ. Внимай о милостыни, яко бывають отнятыхъ вещей церковныхъ, яко ничто же пользуетъ ко спасенію. Творяй бо милостыню отъ грабленій церковныхъ за души своея спасенія, больши Бога прогнѣваетъ. Яко пишется во Іисусѣ Сираховѣ, глава ̑д: приносяй жертву отъ имѣнія убогихъ, яко иже жретъ сына предъ отцемъ его. Ко спасенію бо душевныхъ и къ полученію живота вѣчнаго не токмо не долѣетъ чужая не похищати, церквей не грабити, но взыскуется, да и своя имѣнія, праведнѣ собранная, Господеви и нищимъ пространно удалена да будетъ. Сего ради глаголется, Исаія, глава ̑и: разломи алчущимъ хлѣбъ твой. Милостыня бо отъ вещей праведнѣ собранныхъ свята, погашаетъ грѣхъ, яко вода огнь. Научитесь сего ради нынѣ, царіе и князи міра, и разумѣйте преднаписанная судящии землю, и работайте Господеви съ страхомъ и радуйтеся съ трепетомъ, защищайте пастырей вашихъ съ великою честію, да не когда прогнѣвается Господь и погибнете отъ пути праведныхъ, яко вси царіе, начальницы и князи іудейстїи, израильстїи, римстїи и гречестїи, яко же выше въ преднаписанныхъ полнѣ явленно есть. Сего ради научитесь нашего времени, о земстїи господа, мудрости и разума, да знаете подвластники вашими владѣти и управу творити, церкви и ихъ пастырей защищати, а не врежати, чтити, а не преткновенія творити и ихъ дарованіи свободнѣ и любезнѣ украшати, а не обнажати, да во вѣки въ небесныхъ съ Богомъ жилищехъ по семь временномъ царствѣ царствовать возможете. Яко пишется въ Премудростѣхъ, глава ̑: безъ мудрости бо добрѣ мірстїи господа не могутъ. Тогда бо добрѣ управляется дѣло народное, егда философы царствуютъ и царіе пророчествуютъ. Соломонъ убо, егда царь бысть, на отца своего сѣдалище возведенъ, премуд-

рости у Господа просяше, презрѣвъ честь и богатство, яко пишется въ третьей книзѣ Царствъ, глава г, юже отъ Бога и получи. Сего ради славнѣ царство свое въ велицѣ мѣрѣ и покой, паче всѣхъ царей мѣра, въ величѣй чести управляше. Царіе бо отъ праваго управленія, еже творити людемъ, наричутся; тѣмъ же, правѣ управляя, имя царское правѣ и праведнѣ держить. При древнихъ людехъ притча бѣ сице: царь будеши, аще благо твориши, аще ли не твориши, не будеши. Всякому бо властелю временному сего мѣра достоинъ быти щедролубовну, да любовень будетъ отъ подвластниковъ своихъ, не хищникъ, ни сребролюбець, да ненавистень не будетъ, ниже зѣло свирѣпъ, да не яко мучители устрашаются. Достоитъ же ему быти милостиву, праведну, да на сѣдалищи судища своего разсыпати возможесть всяко лукавство воззрѣніемъ своимъ и потребити беззаконныя и несправедныя и сопротивляющіися Божію закону; въ милосердіи же и истинѣ защищати неповинныя своя подвластники и церковь съ пастырьми любити и чествовати. Милость бо и истина хранятъ царя, и престолъ его укрѣпится, яко пишется въ притчахъ, глава ѿ. Сего ради властелю мѣрскому не достоинъ быти сребролюбну, хищнику и на церковная благая села и имѣнія наступати и къ своимъ приписывати, и пастыремъ своимъ претыканія творити. Но паче достоинъ быти мудру и сильну, злыхъ наказующу, и достоинъ быти милостиву, и сирымъ и пришельцемъ и къ своимъ подвластнымъ сладколюбителю, да и отъ нихъ паче возлюбленъ будетъ не по боязни, и да служатъ ему въ любви, а не въ боязни. Тогда бо господину правѣ и добрѣ служится, егда ему служба творится по любви, а не по боязни. Добродѣтельному господину пристойтъ любовное служеніе. Господину же мучителю и злому хищнику, челоуѣцы же подвластницы работаютъ не отъ любви, но отъ страха, да вредени отъ него будутъ. Любовь бо и милосердіе, и истина, и правда щедраго господина къ своимъ подвластникамъ хранятъ честь, славу, хвалу, отече-

ство и царство. Всѣхъ мірскихъ господъ милость украситъ престолъ его. Ни единому бо отъ всѣхъ человекъ достоинъ милость толико имѣти, елико начальникъ. Сего ради достоинъ начальнику мірскому любить милосердіе, истину и правду, да будетъ дѣломъ своимъ и подвластникъ своихъ праведенъ судія, да не судитъ по лицу, и да не будетъ на лица зрѣнія и мзды пріемникъ. Честь бо царева судъ праведенъ любить и правду. Такожде достоинъ начальнику мірскому имѣти вѣрность соборную, да будетъ заповѣдей Божіихъ истинный и совершенный хранитель, и пастыря своего храбрый защититель и подвластниковъ своихъ милостивъ властель. Како же подвластники своими добрѣ владѣти кто можетъ, иже своему Господеви вышему, си есть Богу, покорится отрицаетъ? Аще кто хочетъ православные христіанскіе подвластные себѣ люди управлять, сему прежде достоинъ себѣ Божію правительству повинуть: повинуйся бо Богу господинъ истинный вмѣнится; безъ Бога ни едина есть власть. Понеже по великаго пророка Давида слову: въ силѣ Господни возвеселится царь и о спасеніи его возрадуется зѣло. И во псалмѣ ѳг: царь же возвеселится о Богѣ; безъ Бога бо царю ни едипо есть веселіе, ни едина радость, ни едина честь, ни едина слава, ни едина хвала, но вѣчная болѣзнь, вѣчная тѣснота, безпрестанная скорбь и безколечная печаль. Господинъ мірскій, иже хочетъ да служатъ ему вѣрнѣ и любезнѣ подвластники его, той первѣе да служитъ Господу Богу своему, по словеси псалмописца Давида, псаломъ ѳл: ввсегда собратися людемъ вкупѣ и царемъ да работаютъ Господеви. И во Іисусѣ Навинѣ пишетъ, глава ѳд: бойтеся Господа и работайте ему сердцемъ совершеннымъ. И Лука евангелистъ глаголетъ, глава ѳ: да работаемъ ему въ святости и правдѣ. И псаломъ ѳ сице: и нынѣ царіе разумѣйте и накажитеся судящій землю. Что же разумѣти имъ достоинъ? Псалмописецъ абіе приложи глаголя: работайте Господеви со страхомъ и радуйтеся Ему съ трепетомъ. Работати бо Богови, яко

глаголетъ писаніе, царствоватьъ есть, работати же чело-
вѣку мука есть естества. Внимати же треба есть, еже
власть и настоятельство духовное и мірское обое изво-
лится отъ власти Божественныя. И сице толико мірская
власть подъ духовною, елико отъ Бога духовное достоин-
ство предложено есть, сего ради больши достоятъ власти
духовной, неже мірской. По словеси блаженнаго Григоріа,
невѣрствія получить грѣхъ, аще кто христіанина себе
укрѣпляетъ быти, а апостольскому сѣдалищу повинovati-
ся презираеть.

Въ Дѣяніихъ Апостольскихъ, глава ѿ, пишется: повино-
ватися намъ достоятъ больши Богови, неже челоувѣкомъ,
сирѣчь, больши церкви и пастырю ея повинovatiся намъ
достоятъ во всемъ, неже господину мірскому. Откуда къ
похвалѣ повинованія и послушанія рече нѣкто въ толко-
ваніи на сіе Исаіино слово глава ѿ: иди и разрѣши вре-
тище отъ чреслъ твоихъ и сапоги возьми отъ ногъ тво-
ихъ, и сотвори тако Исаіа, ходя нагъ и безъ сапоговъ:
дивно, рече послушаніе, единою власницею облачаше
мужъ благороднѣйшій (яко евреи предають), его же дщерь
Манасіа царь поятъ въ жену, не устрамися нагъ ходити.
Ни что честиѣе, ни что лучши вмѣни елико Господеви
послушаніе творити. Сего ради и писаніе свидѣтельству-
еть, еже послушаніе больши есть, неже жертва. Тѣмъ же
творите послушаніе, о мірстїи господа, пастыремъ и на-
стоятелемъ вашимъ, и давайте имъ милостыню: села, гра-
ды, стяжанія, злато и сребро, яко и прежде васъ началь-
ницы и князи, отцы, дѣды и прадѣды ваши твориша, ве-
селаго бо дателя любитъ Богъ, яко пишется во второмъ
посланіи къ Коринѣяномъ, глава ѿ. Сего ради уготовайте
сердца ваша Богу, о начальницы мірстїи, и работайте
Ему единому и пастыремъ вашимъ достойнѣ, правѣ во
всякомъ смиреніи и послушаніи, а не діаволу и мірови.
Богъ бо въ настоящей жизни избавитъ вы отъ руку фи-
листимлю, сирѣчь отъ руку всѣхъ враговъ вашихъ, яко
пишется въ Царствѣ ѿ книгъ, глава ѿ. Аще ли цари со-

противно сему сотворять, не повинующеся пастыремъ, тогда царство ихъ нѣсть царство, ниже царство ихъ постоянно и крѣпко быти можетъ. Разрушить бо ихъ судь Божій палицею діавольскою, яко предреченныхъ всѣхъ кесарей и царей. Аще ли не воспримуть наказанія и отягчатъ сердца своя, яко непокорный фараонъ, египетскій царь, тогда накажетъ ихъ Господь седмерицею, да сице отягчени сердцемъ безъ плода покаянія въ гнѣвъ и ярости Господни погибнуть отъ пути праведныхъ во огнь вѣчный и въ муку безконечную, идеже по словеси евангельскому будетъ плачь очесемъ и скрежетъ зубомъ, и идѣже мучители не оскудѣвають и мучиміи не умирають, но проклять мучится безъ избавленія выну во тьмахъ кромѣшныхъ, лишена зрѣнія лица и благодати Божественныя. И въ совершенномъ злѣ вопіеть, Іереміино слово глава ѿ: проклять день, въ онъ же родихся; проклять часъ, въ онъ же зачать мя матеръ моя. Внимай, еже обще всякъ непослушный пастырю своему здѣ въ настоящемъ мучимъ будетъ, будущей начало творя мукъ, во вѣки пребывающей. Здѣ же, дабы видѣли и разумѣли, что по сихъ во адѣ послѣдуетъ, по оному писанію Божественнаго словеси: сугубымъ сокрушеніемъ сокруши ихъ Господь и прочая. О власти же, силѣ и дѣлѣ благого пастыря треба есть внимати словеса евангельская сія: азъ есмь пастырь благій. Въ сихъ словесѣхъ услышимъ Господа Іисуса Христа, благого пастыря дѣла хваляща. Въ ней же предложити можаше, глаголя: азъ есмь пастырь благій, и посему, еже рече благій, назнаменуя и злыхъ пастырей быти, иже во евангеліи наемницы наричутся. Почему же пастырь благій познатися можетъ, являетъ глаголя: пастырь благій полагаетъ душу свою, положи за овцы своя, еже Христось творить учаше. Первѣе самъ своимъ дѣйствомъ предпоказа, понеже душу свою положи за овцы своя, сирѣчь, за сія, иже на судищи одесную стати достойни суть, за яже въ настоящемъ ему послѣдоваша. Сего ради пастырь благій добрѣ Христось быти иматъ,

понеже душу свою за овцы своя положи. Но егда ивиі не суть блазиі пастыреі, егда Петръ не бѣ благій пастырь, понеже и той душу свою положи за овцы? Сиде и Павелъ и прочіи апостоли, сиде и святіи мученицы, и святіи отцы, вси любве ради овча и церкви Божія кровію своею окроплени суть, вѣдомо есть. Вси же тіи пастыри блази бѣша, не токмо еже кровь свою за Христа проліяша, но и за овцы и церковь Божию проліяша кровь свою. И егда Искупитель нашъ толико пастырей благихъ будущихъ предвидя, что ради себе единого благого пастыря похваляше, глаголя: Азъ есмь пастырь благій; что же есть сіе, еже особнѣ единого пастыря похваляетъ токмо? Понеже единымъ пастыремъ благимъ единство всѣхъ благихъ пастырей знаменуеть. Понеже Христосъ своимъ тѣломъ, еже есть церковь, едино тѣло есть. И сего ради истинно благій пастырь есть, иже съ прочими пастырьми уды своими единъ пастырь наричется. Или истиннѣ себе особнѣ ставль прочихъ, благого пастыря именуеть, да прочихъ, въ равенству и благодсти своей ничто же благодсти явить имѣти. Ибо и тіи пастыреі блазиі суть, не какои сія отъ единого пастыря приѣмлють, сирѣчь отъ Бога, еже есть существеннѣ благъ. Человѣцы бо не могутъ отъ себе быти блази, но отъ Бога, иже существеннѣ благъ есть. Здѣ же пастыремъ церковнымъ сія ввимати треба есть, сирѣчь, да первѣе вѣшняя благаа неимущимъ всѣмъ щедрѣ и милосердѣ дають. Потомъ же, аще нужда будетъ, душу за погибающія овцы подожать и церковная благаа села, стяжанія и сокровище церковное храбрѣ даже до своего кровопролитія защищаютъ. Ибо иже во время покоя не подасть помощи временныя, немощенъ во время гоненія и церковныхъ вещей отыманія положить душу свою. О семъ Іоаннъ глаголетъ: аще кто видитъ брата своего требующа и затворить утробу свою отъ него, како любовь Божія пребываетъ въ немъ? а еже пастыремъ добрымъ къ созиданію вѣрныхъ за овцы своя и за стяжаніе церкви своя душа свою положить достоинъ.

Той же Іоаннъ апостоль свидѣтельствуеть глаголя: яко Христось за ны душу свою положи, тако и мы должны есмы души наша за братію нашу положити. Къ сему и Соломонъ глаголетъ: егда сядеши за трапезою сильнаго, мудрѣ разумѣй, яже предложена суть предъ тя и послѣ руку твою, вѣдый, яко таковая достойтъ ти уготовати; яко бы рекъ, аще за трапезою сильнаго Бога, си есть къ престолу приступиши, разумѣй, яже предложена суть предъ тя, сирѣчь тѣло и крове тайну достойнымъ чествованіемъ помышля, и послѣ руку твою, сирѣчь, дѣла твоя, вѣдый, яко таковая ти достойтъ уготовати, си есть къ потребѣ вѣрныхъ за Господни овцы смерть пріяти, аще нужда будетъ. Суть въ церкви Божіи нѣцыи пастыри не добріи, иже во евангельскомъ словеси наемники наричутся, иже виною временнаго прибытка Христа проповѣдуютъ, яко апостоль глаголетъ: яже суть своя ищутъ, не яже суть Исусъ Христова. Сего ради таковѣи не пастыри, но правѣ наемницы наричутся, повеже не Божія ради любве овцы Господни, но за временную мзду пасутъ. Отъ сихъ словесъ легко разумѣти можемъ, что есть разнство межъ пастыря благого, и межъ наемника. Оба убо суть въ церкви Божіей, оба властельствуютъ овцами, селя, стяжаніи и прочими церковными имѣніи, но разнственно. Пастырь бо воистинну Христа проповѣдуетъ; наемникъ же виною прибытка временнаго Христа проповѣдуетъ. Сего ради любими суть пастыри и послѣдуеми; наемники же терпими, ибо явственно повеже и тиѣ не весьма не ключими суть, но отчасти суть потребны, ими бо слово Христово проповѣдуются, аще и не исполняется. По оному Господню словеси, яже глаголютъ: творите, по дѣломъ же ихъ не трорите. Егда же таковѣи путь истинный проповѣдуютъ, не толкно спасенія тѣхъ ищутъ, имъ же проповѣдаютъ, елико своя потребности и сребра ради, или хвалы ради челоувѣческія. Услышающіи же ихъ аще словесемъ ихъ благимъ вѣрують, дѣломъ же ихъ не послѣдствуютъ, той иже проповѣдуетъ, уже воспри-

ять маду свою и погибель имѣти будетъ. А имъ же проповѣдуется, будутъ имѣти прибыль. Наемникъ убо, егда видитъ волка грядуща, бѣжитъ, волкъ же на овцы Господня приходитъ. Егда кой же грабитель и святотатецъ и мучитель неправедный, властель мѣрской и врагъ церковный вѣрныхъ и смиренныхъ погнетаетъ, стяжанія церковная отъемлетъ, вдовы и сироты и пришельцы потѣсняетъ и вредяетъ, и безпрестанно стадо отходить вѣрныхъ, сокровища стада Господня къ своему прилагаетъ, и вѣрные люди потѣсняетъ,—таковыхъ волковъ, егда наемникъ видитъ, бѣжитъ. Егда бѣды временныя устрашается гонителей и властію себѣ преданною и порученною противлятися не смѣетъ, таковымъ пастыремъ чрезъ Іезекіиля пророка глаголетъ Господь: не взыдете противу, ниже положите стѣну за домъ Израилевъ, да станете на ополченіе въ день Господень. Противу же взыти сице разумѣется: властемъ и начальству міра сего на правѣ, что въ церкви Божіей и церковныхъ вещехъ, селѣхъ и стяжаній дѣйствующимъ свободнымъ гласомъ и храбрѣ церковною властію противлятися. Въ день же Господень за домъ Израилевъ стояти, сице разумѣется: неповинныя и Христовы овцы и стяжанія церковная, вся толико подвижная, елико неподвижная противу развращенныхъ челоуѣкъ неправдѣ по правдѣ и церкви святыя властію противлятися и защищати, и отмщати. Сихъ наемникъ не творитъ, понеже, егда видитъ волка грядуща, бѣжитъ не тѣломъ, но мыслію; бѣжитъ бо не мѣсто премѣняя, но не творя утѣшенія и помощи къ защищенію. Понеже токмо иже на внѣшняя и временная дышитъ, внутреннихъ стада Господня убавленій не брежетъ. Егда видитъ сильнаго противу церковныхъ стяжаній возстающа и села церкви своя и сокровища Господне въ грабительство иди, молчитъ и попускаетъ, и насильника не обличаетъ, ниже сопротивляется, и не смѣетъ властію церковною наемникомъ противитися, бояся да епископства или игуменства и угодія временнаго не лишень будетъ. Како

ея же ради вины наемникъ бѣжитъ, Господь являетъ во Евангеліи, глаголя: наемникъ же бѣжитъ, понеже наемникъ есть и не печется о овцахъ. Сего ради во время бѣды стати и душу свою положить за овцы не можетъ. Аще бо и владѣеть овцами, но не любитъ ихъ, понеже временныя мзды и славы мірскія и чести, и хвалы, и богатства отъ властей мірскихъ ищетъ и попеченія о овцахъ и церковныхъ стяжаніихъ, себѣ порученныхъ, мірскія ради боязни временнаго господина мало или ничто же имѣти являетъ. Благій же пастырь, понеже знаетъ овцы своя, и овцы знаютъ его, сирѣчь любитъ овцы своя и овцы любятъ его, и не бѣжитъ, егда видитъ волка грядуща. Но противу волка грядущаго себе поставляетъ, овцы своя храбрѣ ключи церковными защищаетъ, церковная имѣнія, села, сокровища Господня отвяти не попускаетъ, ниже боится отъ могущаго тѣло взяти, но душу свою, въ любви за овцы своя и за церковь свою порученную, полагаетъ, кровь свою проливаетъ, бѣдамъ многимъ себе вдаетъ, отъ властей мірскихъ безчестуемъ бываетъ, и паки отъ сѣдалища своего изгнанъ бываетъ. Яже вся Бога ради и царства ради небеснаго за спасеніе души своея каждый пастырь творити и страдати за овцы и за церковная имѣнія мужественнѣ долженъ есть, да животь вѣчный со благими всѣми пастыри получить. Идѣже будетъ опасное и истинное свободство, вѣчное благочестіе, безсмертное веселіе. Идѣже вся Троица Богъ пастырей и овецъ своихъ безконечно видимъ будетъ, и безконечно возлюбленъ, и безпрестанно хвалимъ. Сего ради благій пастырь въ заточеніе и скорбь міра сего и нужду вверженія да не боится мірскаго властеля. Ниже путемъ жизни сея оскудѣетъ, да во отечествѣ мѣста не погубитъ, ниже закосненіе сотворитъ на защищеніе церковныхъ имѣній, но безскорбно противящимся и на церковная наступающимъ себе противу да поставитъ. На сопротивленіе бо такимъ да не будетъ лѣнивъ, но паче вскорѣ таковыхъ отлучати властію имъ на то данною должны суть. Аще ли не по-

слушаютъ и заповѣдь святыхъ церкви и власть пастырскую презрять, да будутъ держими, яко невѣрнии и язычницы, и яко анаѳемѣ предани отъ святыхъ церкви. Всякъ убо, иже церковная стяжаша села или сокровища отъ емлеги или насильствуетъ и вреждаетъ отъ Святыхъ Отецъ, отречень и отлучень наричется здѣ и въ будущемъ. Здѣ бо боязнь имать и сгубленіе временныя власти, въ будущемъ же погубить вѣчныя славы царства. Чудное Божіе прозрѣніе! Вся царства гордящаяся на церковь Божію разруши. Израиль убо въ десяти колѣнѣхъ іудовыхъ, противу воли Божіей согрѣшающихъ, въ Дамаскъ и Сирію раздѣли. И паки оубо плѣнены суть отъ Ассирій и отъ Халдей; Іуда же отъ ефіоплянъ и египтянъ. И тѣи паки побѣждены отъ Ассиріи и отъ Халдей. Ассиріи же, понеже на ся уповаша и дерзнуша и на церковь Божію и стяжанія церковная наступиша, отъ Халдей погибоша. Халдеи и вавилоняне, направльшеся противу Господа, мидяномъ и персомъ покорени быша, тѣи же Александру Великому, Александръ же егда, яко Богъ себе возвышаше, ядомъ погибе. Царство же его на десять частей раздѣлено бысть, и потомъ римляномъ покорено. Римское же кесарство, еже яко желѣзными зубы и ногти тѣлеса святыхъ раздираше, отъ большія части уже погибе, наконецъ же и все погипнетъ, егда царство Божіе просвѣтится. Понеже по евангельскому словеси, Матѳей, глава 7: всяко древо, не творящее плода добра, посѣкаемо бываетъ и во огнь вметаемо. Къ велицѣй бо правдѣ судящаго пристойтъ, да никогда лишени будутъ муки, иже въ сей жизни пребывая никогда лишается грѣха, и ни единъ дастся урокъ времени отмщенія беззаконному и неправому, иже елико живяше не хотяше престати отъ грѣха. Кто дастъ имъ единова умерети, да не умирають во вѣки, иже рекутъ горамъ: падите на ны, и холмомъ: покрійте ны. Что же есть рещи се, токмо еже хотять смертію смерти избыти, иже возмогутъ, аще хотять или ни; во огнѣ всегда пребудутъ по тяжкомъ словеси осужденія, егда речется

имъ: не знаю васъ, отыдите отъ мене, проклятїи, во огнь вѣчный, вамъ и діаволу уготованный искони. Сїя малая, архїепископе достойнѣйшїй, господине честнѣйшїй, по разуму моего осязанїю отъ разныхъ писанїй святыхъ отецъ въ едино разуму и достоинству твоему писахъ о православыя церквѣ свободствѣ, ея же врата ада не одолжють. Въ сїхъ пастырѣ церковный свѣтлѣ зрѣти можетъ, како господина своего мїрскаго царя, или начальника временнаго чествовати, и отечески, яко сына, учити должель есть по евангельскимъ заповѣдемъ, да жизнь получитьи возможетъ вѣчную. Въ сїхъ такожде и царь, мїрскїй господинъ, зрѣти можетъ, како ему пастыря церкви Божїя, правителя души своея, яко отца духовнаго, чествовати достоитъ, и ему во всѣхъ и по всему безъ роптанїя, безъ прекословія, яже къ души своея спасенїю пристоятъ, послушну быти. Безмѣрная вседержителю Богу Отцу и Слову и Параклиту воздаю благодарствїя, иже настоящее писанїе наше отъ многихъ и разныхъ учителей писанїй удѣлано въ настоящемъ мѣсѣмъ лѣтѣ, въ 2 каландѣ февраля даже до конца доведе. За сїя сїе едино мнѣ зѣло требѣ есть отъ отечества твоего святаго, и смиреннѣ молю, дабы еси за мя злаго и окаяннаго, и тягчайшаго грѣшника межъ всѣхъ грѣшниковъ къ Богу молитву благоговѣйну сотворити изволилъ, да, молитвы твоея ради, всѣмъ грѣхомъ моимъ приємлю отпущенїе, въ землю апостольскую, сирѣчь въ райское веселїе, вкупѣ съ тобою возмогу благочестїи внити, идѣже царствуетъ Владыка и Господь нашъ Іисусъ Христосъ Сынъ Божїй, благословенный одесную Отца, о Его же имени поклоняется всяко колѣно небесныхъ и земныхъ, и преисподнихъ; Ему же слава и честь, и величество, и велелѣпота, сила и власть, владычество и царство въ вѣки вѣковъ, аминь.
